







吳詩集覽卷二上

黎城靳榮藩介人輯

五言古詩二之上

讀史雜詩

宋史吳玠傳玠善讀史文選有王仲宣劉公幹魏文帝曹子建雜詩

東漢昔云季黃門 擅權勢積忿召外兵 癰決身亦斃 雖

自撥本根庶幾蕩 殘穢誰云承 敝起仍出刑 餘裔子血德

沾丐養門資列朝 貴憑藉盜弄兵 豈曰唯才智 追王故

長秋無鬚而配帝 鈎黨諸名賢子孫為皂隸

此詩刺阮大鍼也說

附後○季詩漢道

共云季後漢書宦者傳自明帝以

後迄乎延平中常侍 十人小黃門二十人其後孫

程定立順之功曹騰參建桓之策中外服從上下屏氣

漢之綱紀大亂矣韓非子權勢不可以借人南史焦

度傳周彥與度俱在郢州度積忿阿責彥後漢書何進

傳袁紹等為畫策多召四方猛將及諸豪傑使并引兵

內向京城以脅太后遂西召前將軍董卓屯關中上林

苑紹遂閉北宮門勒兵捕宦者無少長皆殺之又董

卓傳潰癰雖痛勝於內食詩本實先撥左傳文七年

若去之則本根無所庇廕矣班孟堅東都賦于是百

姓滌瑕盪穢史記項羽紀何敞之承漢書司馬遷

傳刑餘之人無所比數三國志魏武志姓曹諱操字

孟德後漢書袁紹傳司空曹操祖父騰故中常侍父嵩

乞句攜養唐書杜甫傳沽巧後人多矣北史蘇綽傳

夫門資者乃先世之爵祿無妨子孫之愚瞽齊書王秀

之傳未嘗一詣朝貴晉書劉毅傳謝混憑藉世資漢

書龔遂傳使陛下赤子盜弄陛下之兵於潢池中耳

李詩豈曰非知勇後漢書宦者傳曹騰字季興為小

黃門遷中常侍大長秋加位特進騰卒養子嵩嗣宋書

禮志魏明帝太和三年六月又追尊高祖大長秋曰高

皇

後漢書何進傳

或有無鬚而誤死者

易殷薦之上

帝以配祖考

後漢書靈帝紀

制詔州郡大舉鈞黨

馮衍傳

樹名賢之良佐

三國志鄧艾傳

子孫為

萌隸

左傳

昭三年欒郤胥原狐續慶伯降在皂隸

明莊烈誅客魏定逆案是盪殘穢也而闔孽阮大鍼肆勇南京卒以覆國詩當為此作乎誰云承敝起仍

出刑餘喬恫乎其言之矣詳讀史雜感等首

明史

顧憲成傳無錫故有東林書院宋楊時講道處也憲

成與弟允成倡修之講習之餘往往諷議朝政裁量

人物朝士慕其風者遙相應和由是東林名大著而

忌者亦多比憲成沒攻者猶未止凡救李三才者爭

辛亥京察者衛國本者發韓敬科場弊者請行勘熊

廷弼者抗論張差挺擊者最後爭移宮紅丸者忤魏

忠賢者率指目為東林抨擊無虛日借魏忠賢毒醜

一網盡去之殺戮禁錮善類一空崇禎立始漸收用

而朋黨勢已成小人卒大熾禍中於國迄明亡而後

已按此詩鈞黨名賢比東林也東林雖不盡為名賢而各賢較多闔人熾東林戮而流賊浸盛于是督師

總理者不過以楊嗣昌陳奇瑜等爲極選至于熊文燦丁啟睿之徒愈卑卑不足道其可以任闖寄者皆盡于宦官闖黨之手故流賊之所殺者多庸人而闖黨之所殺者皆忠臣烈士也烈士旣盡遂無足禦李自成張獻忠者故明之天下李自成亡之寔魏忠賢亡之也魏忠賢亡之寔附魏忠賢者亡之也梅村目擊大鍼之禍是以獨有顯刺耳或疑定逆案者王永光而永光與正人爲讐則此詩似刺永光然永光用事在崇禎間而詩云身亦斃卽指莊烈末年事故承敝起仍以刺懷寧爲允

## 其二

商君刑師傅徙木見威約范叔誣涇陽折脇吐謾諤地  
疎主恩深法輕主權削苟非用刻深何以膺付託功成  
或倖退禍至終難度屈伸變化間卽事多斟酌談笑遷

種人吾思王景畧

此詩刺薛韓城也說附後○史記商君傳各執姓公孫氏太子犯法刑其

傅公子虔黷其師公孫賈又立三丈之木於國都市

南門募民有能徙置北門者予十金漢書司馬遷傳積

威約之漸也史記范雎傳字叔齊襄王聞雎辯口乃

使人賜雎金十斤及牛酒須賈知之以為雎持魏國陰

事告齊故得此餽既歸以告魏相大怒使舍人笞擊雎

折脇摺齒秦昭王使謁者王稽於魏載范雎入秦而涇

陽君高陵君皆昭王首同母弟也范雎得見於離宮遂

涇陽君於闕外謗謂見哭志衍按地疎句承范叔

說下用雎傳交疎言深字法輕句承商君說下用李斯

傳惟明至為能深督輕罪意史記李斯傳法令誅罰

日益刻深諸葛孔明出師表恐託付不效史記蔡

澤傳夫四時之序成功者去按功成倖退用蔡澤傳應

侯因謝病請歸相印禍至句用商君傳秦惠王車裂商

君以殉也沈休文詩節事既多美斟酌見哭志衍

後漢書光武紀徒其種人於江夏

晉書載記王猛字景畧北海劇人也



明史薛國觀韓城人爲人陰鷲豁刻溫體仁因其素  
仇東林密薦于帝大用之國觀得志一踵體仁所爲  
導帝以深刻帝初頗信嚮之久而覺其奸遂及于禍  
崇禎十三年奪職放歸袁愷再疏發其納賄諸事遣  
使逮之明年七月入都國觀自謂必不死監刑者至  
門猶鼾睡及聞詔使皆緋衣蹶然曰吾死矣乃就縊  
詩中膺付託者膺體仁之付託也功成倖退指奪職  
放歸時禍至難度指入都就縊時按奸臣傳體仁佯  
引疾得旨竟放歸時十年六月也功成或倖退似於  
體仁爲切然翫全首語義益爲韓城作耳晉書載  
苻堅傳堅之分氏戶於諸鎮也趙整因侍援琴而  
曰遠徙種人留鮮卑一旦緩急語阿誰堅笑而不  
納又以王猛爲侍中中書其特進強德苻健妻弟  
也豪橫爲百姓患猛捕殺之隙戶於市數旬間貴戚  
強豪誅死者二十餘人百僚震肅豪右屏氣風化大  
行又王猛傳猛疾篤堅問後事猛曰鮮卑羌虜我之  
仇也終爲人患宜漸除之以便社稷又堅傳慕容冲  
進逼長安堅怒曰吾不用王景畧之言使白虜敢至

於此張如哉曰按鮮卑謂慕容垂羌虜謂姚萇王猛相秦與商君范叔之相秦其刻深亦畧同而猛之策鮮卑羌虜獨計及後患則與烏程韓城之玩寇弗除大相懸殊所謂屈伸變化間卽事多斟酌也談笑遷種人卽用堅笑而不納意吾思王景畧卽恨不用王景畧之言意

### 其三

蕭何虛上坐故侯城門東曹參避正堂屈已事益公咄咄兩布衣不仕隆準翁其術總黃老閱世浮沉中所以輔兩人俱以功名終出處雖有異道義將毋同何必致兩生彼哉叔孫通此詩刺薦舉遺逸者不如蕭曹俾遂本志也○漢書蕭何傳召平者故秦東陵侯秦破爲布衣貧種瓜長安城東瓜美故世謂東陵瓜從邵平始也何從其計上說又曹參傳聞膠西

有蓋公善治黃老言使人厚幣請之蓋公爲言治道貴  
清靜而民自定參於是避正堂舍蓋公焉正韻蓋古咨  
切後漢書嚴光傳咄咄子陵不能相助爲理耶史記  
留侯世家此乃布衣之極漢書高祖紀隆準而龍顏  
注應劭曰隆高也李斐曰準鼻也史記申不害傳學  
本黃老陸士衡嘆逝賦人閱人而成世詩載沉載浮  
將毋同見贈蒼雪漢書叔孫通傳使微魯諸生三十  
餘人曾有兩生不肯行曰公所  
事者且十主公徑矣毋汚我  
此七十字却聘書也  
吾于此悲其志焉

其四

竇融昔布衣任俠家披風翟公初舉事海內知其忠融  
也受漢恩大義宜相從低頭就新莽顧入其軍中轉戰

槐里下盡力為摧鋒後來擁眾降仍以當時功忝竊居

河西蜀漢方相攻一朝決大計佐命蕭曹同吁嗟翟太

守為漢傾其宗劉氏已再興白骨無人封徒令于載後

流涕平陵東此詩刺降將弔國殤也○後漢書竇融傳

字周公扶風平陵人也王莽居攝中為強

弩將軍司馬東擊翟義還攻槐里以軍功封建武男出

入貴戚結連閭里豪傑以任俠為名及漢兵起融復從

王邑敗于昆陽下莽敗融以軍降更始及更始敗融與

梁統等計議乃推融行河西五郡大將軍事先是帝聞

河西完富地接隴蜀常欲捨之以逼還遷賜融璽書曰

今益州有公孫子陽天水有隗將軍方蜀漢相攻權在

將軍舉足左右便有輕重車駕西征隗囂引鬼融等待

以殊禮帝高融功封融為安豐侯按融本傳高祖父嘗

為張掖太守從祖父為護羌校尉從弟亦為武威太守

所謂融也受漢恩大義宜相從也

又梁鴻傳男乃欲

低頭就之乎漢書王莽傳定有天下之號曰新隋書  
孫晟傳轉戰六十餘里大清一統志槐里故城在

西安府興平縣東南史記萬石君傳願盡力宋書武

帝紀摧鋒萬里後漢書岑彭傳時田戎擁眾夷陵入

晉書羊祜傳臣忝竊雖久後漢書竇武傳宜速斷大

計又二十八將傳論稱為佐命又高祖悉用蕭曹故

人漢書翟方進傳少子曰義為宏農太守遷河內太

守青州牧徙為東郡太守王莽居攝義心惡之遂與東

郡都尉劉宇嚴鄉侯劉信信弟武平侯劉璜結謀立信

為天子于是吏士精銳遂攻圍義子圍城破之至固始

界中捕得義尸磔陳都市夷滅三族誅及種嗣皆同坑

葬晉書溫嶠傳班彪識劉氏之復興白骨見閬州

行易不封不樹古歌平陵東松柏桐不

知何人劫義公注平陵東翟義門人所作

按明史流賊傳李自成兄子過改名錦偕諸帥奉高

氏降於總督何騰蛟時唐王立于閩賜錦名赤心封

高氏忠義夫人而赤心又曾封興國侯此固不足道

鄭芝龍孫可望之徒擁眾降附得邀封爵而一詩號

號

召鳥合者多赤族以死此槃悅厄談所以許梅村爲  
詩史也然明史於死事諸臣皆許爲立傳填海  
移山各存其志人本朝之表章節義真曠  
古所希聞者教忠之法可以訓示萬世矣

### 又詠古

淡旬至台司三日遍華省慈明與中郎豈不念朝菌王  
良御奔車勢逼崦嵫景急策度太行馬足殆而騁富貴  
若歲時過則生災疹草木冬先榮經春輒凋殞桓桓梁  
將軍赫赫蕭京尹一朝遇差跌未得全要領人生百年  
內飽食與美寢毋以藜藿糲羨彼鍾與鼎毋以毛褐敝  
羨彼紈與錦進固非伊周退亦無箕顛薄祿從下僚未

俗居中品寂寥子雲戟從容步

兵飲太冲咏史大半述懷此亦梅村述懷

之作也○左傳宣九年浹辰之

間楚克三都注浹辰周

匹十二日也按浹旬如劉子滿

旬而後至後漢書荀爽

傳字慈明自被徵命及登台司

九十五日人又蔡邕傳

初平元年拜左中郎將三日之

間周歷三臺潘安仁秋

興賦獨展轉於華省莊子朝

菌不知晦朔韓子奔

車之上無仲尼淮南子曰八

崦嵫古八變歌浮雲多

暮色似從崦嵫來戰國策驥

之齒至矣服鹽車而上

太行大清一統志太行山

在澤州府鳳臺縣南南

跨河南河內縣界東北接陵川

壺關平順潞城黎城武

鄉遼州和順樂平平定諸州縣

界也子建洛神賦車殆

馬煩楊子幼報孫會宗書歲

時伏臘一居易錄今京

師臘月即賣牡丹梅花緋桃榪

春諸花皆貯暖室以火

烘之所謂堂花又名唐花是也

按漢書召信臣傳信臣

為少府大官園種冬生葱韭菜

茹覆以屋廡晝夜難蘊

火待溫氣乃生唐人詩內園分

得溫湯水二月中旬已

進瓜葢漢唐以來皆然香祖筆

記宋時武林馬塍藏花

之法紙糊密室鑿地作坎覆竹置花其上糞土以牛糞  
疏黃然後置沸湯於坎中候湯氣薰蒸則扇之經宿則

花放今京師園丁亦然魏書崔光傳蒸氣鬱長非有根  
種柔脆之質凋殞速易杜詩桓桓陳將軍後漢書梁

真傳質帝目真曰此馭寇將軍也延熹二年與妻壽  
皆自殺儲光義詩忽見梁將軍乘車出宛洛漢書蕭

望之傳字長倩東海蘭陵人也為左馮翊三年京師稱  
之望之有罪死杜詩赫赫蕭京兆漢書陳遵傳不敢

差跌禮是全要領以從先大夫於九京也漢書張  
良傳人生一世間楊處道詩共幸百年身東方曼倩

誠子詩飽食安步以仕代農徐夔詩寒益衾裯饒美寢  
高士傳子貢相衛排藜藿來見原憲王子安滕王

閣序鐘鳴鼎食之家子建七啟子好毛褐未暇此服  
也唐書張易之傳傳朱粉衣純錦高士傳許由字

武仲陽城槐里人也耕於中岳潁水之陽箕山之下  
杜詩累奏資薄祿左太冲詩英俊沉下僚漢書朱博

傳今末俗之弊政事煩多晉書劉毅傳上品無寒門下  
品無勢族小學中品之人教然後善盧昇之詩寂寂

七



寥寥楊子居漢書揚雄傳字子雲蜀郡成都人也子建與楊德祖書昔揚子雲先朝執戟之臣耳

斛阮籍乃求為步兵校尉

宋書樂志引曹孟德塘上行莫用豪賢故棄捐素所

愛莫用魚肉貴棄捐葱與

蒯此毋以藜藿四向句法

左傳雖有絲麻無棄菅蒯

漢書趙岐字邠卿遺令勅

箕山之操仕無伊呂之勲

一員石於吾墓前刻之曰

無時命也奈何梅村遺命

卿畧同進非伊周二語亦

人逸人似同而異可以悲

### 其二

西州杜伯山北海鄭康成季孟將舉事本初方用兵脫

身有追騎與疾猶從征何肩絕婚宦遯跡東籬門受逼

崔慧景語默難為情網疎免刑戮大道全身名時命苟

不佑千載無完人入山山易淺飲水水不清一身累妻

子動足皆荆榛自非焦孝先何以逃風塵庶幾詹尹卜

足保幽人貞

此詩見逃名之難由於家累也時命不佑二句愾乎言之○後漢書杜林傳字伯山

扶風茂陵人也隗囂素聞林志節乃出令曰杜伯山今

且從師友之位林雖拘于囂而終不屈節建武六年弟

成物故囂乃聽林持喪東歸既遣而悔追令刺客楊賢

于囂胝遮殺之賢乃嘆曰我雖小人何忍殺義士因亡

去光武聞林已還問以經書故舊及西州事甚悅之

又鄭元傳字康成北海高密人也大將軍袁紹總兵冀

州遣使要元元乃以病自乞還家寢疾時袁紹與曹操

相拒於官渡令其子譚遣使逼元隨軍不得已載病到

元城縣疾篤不進其年六月卒又隗囂傳字季孟天水成紀人也季父崔及上邽人楊廣以為舉事宜立主

以一衆心咸謂囂素有各遂共推以為上將軍又袁

紹傳字本初詩踴躍用兵漢書卜式傳脫身出史記

李將軍傳射殺追騎以故得脫北史于栗磾傳帝輿

疾討之張見續詩劍客遠從征南史何胤傳字子季

說附後南齊書崔慧景傳字君山清河東武城人也

杜詩恭惟漢網疎孔叢子孔子歌大道隱兮禮為

基世說石崇曰士當令身名俱泰時命見讀西臺記

漢書張耳傳身無完者後漢書蔡邕傳遂將攜家

屬逃入深山崔禮仙詩避世嫌山淺元倉子水至清

者土滑之故不得清周書衛刺王直傳一身尚不自

容李詩戰國多荆榛焦孝先說附後風塵見哭

志衍楚辭屈原既放三年不得復見乃往見太卜鄭

詹尹易

幽人貞吉

按南史周顥傳何胤亦精信佛法無妻南齊書何求

傳初求母王氏為父所害求兄弟以此無宦情然南

齊書何求

求兄弟以此無宦情然南

史增傳妻江氏夢神告曰汝夫壽盡既有至德應獲  
延期爾當代之則後雖無妻而始非絕婚者也仕齊  
爲建安太守歷黃門侍郎太子中庶子國子祭酒中  
書令則後雖棲遜而始非絕宦者也而何點傳感家  
禍欲絕婚宦尙之強爲娶瑯琊王氏禮畢將親迎點  
累涕泣求執本志遂得罷宋太始末徵爲太子洗馬  
齊初累徵中書侍郎太子中庶子並不就從弟遁以  
東籬門園居之老又娶魯國孔嗣女嗣亦隱者點雖  
昏亦不與妻相見築別室以處之永元中崔慧景圍  
城慧景性好佛義乃募交點點不顧之至是乃逼召  
點點裂裙爲袴往赴其軍終日談說不及軍事其語  
默之跡如此慧景平後東昏大怒欲誅之蕭暢謂茹  
法珍曰點若不誘賊共講未必可量東昏乃止是詩  
中增字當作點蓋鈔輯者傳寫之訛耳神仙傳焦  
先生者字孝然河東人也高士傳焦先字孝然或言  
生漢末及魏愛禪結草爲廬于河之洲獨止其中冬  
夏袒不着衣卧不設席以身親土或數日一食日不  
與女子交視口未嘗言後野火燒其廬先因露寢冬

大雪至先祖臥不移後百餘歲卒三國志注引魏畧亦曰先字孝然按邊韶毛玠葛元皆字孝先而非焦氏則先字當亦然字之訛耳

### 其三

古來有烈士軹里與易水慶卿雖不成其事已並美專  
諸弑王僚朱亥殺晉鄙惜哉博浪椎何如圮橋履公孫  
擅西蜀可謂得士死連刺兩大將探囊取物耳皆從百  
萬軍夜半入帳裏七首中要害絕跡復千里若論劍術  
精前人莫能比胡使名弗傳無以著青史誰修俠客傳  
闕疑存二子

此詩卽太史公傳刺客之意○韓子古之  
烈士進不臣君退不爲家  
史記刺客傳

聶政者悞深井里人也綱目質寔漢置軹縣屬河內郡  
今名軹村故城在懷慶府濟源縣南一十三里刺客傳  
荆軻者衛人也衛人謂之慶卿高漸離擊筑荆卿和而  
歌曰風蕭蕭兮易水寒壯士一去兮不復還易水詳琵琶行  
李詩報韓雖不成刺客傳專諸者吳堂邑人  
也伍子胥知公子光之欲殺吳王僚乃進專諸于公子  
光佯為足疾入窟室中使專諸置匕首魚炙之腹中而  
進之至王前專諸擘魚因以匕首刺王僚王僚立死  
史記信陵君傳朱亥袖四十斤鐵椎椎殺晉鄙又  
留侯世家得力士為鐵椎重百二十斤良與客狙擊秦  
皇帝博浪沙中誤中副車良嘗開從容步游下邳圯上  
有一老父衣褐至良所直墮其履圯下顧謂良曰孺子  
下取履良愕然下取履父曰履我良業為取履因長跪  
履之父以足受笑而去出一編書曰讀此則為王者師  
矣後漢書公孫述傳述字子陽扶風茂陵人也自立  
為蜀王都成都在將來歛急攻王元環安安使刺客  
殺歛述復令刺殺  
兄弟能得士也又  
漢書田儼傳于是乃知田橫  
遷傳能得人之死力  
五代史

南唐世家李穀曰中國用吾為相取江南如探囊取物耳〔史記周勃世家〕吾嘗將百萬軍夜半見臨江叅軍〔綱目〕集覽七首尺八短劍也其頭類七故名〔後漢〕書來欲傳自書表曰臣夜人定後為何人所賊傷中臣要害〔子建〕與楊修書飛軒絕迹一舉千里刺客傳魯句踐已聞荆軻之刺秦王私曰〔史記〕刺客傳荆刺之術也〔李詩〕青史舊名傳〔史記〕有刺客游俠傳漢書有游俠傳而范書無之則闕疑者不止此二也

其四

高密未佐命早共京師游弱冠拜司徒杖策功名收靈

臺畫少年

靈應作雲

萬古誰能儔

昭相足使風雲羞

鄧芝遇先主七十才封侯位

畢嬰鑠高春秋英

雄初未遇垂老猶窮愁祖孫漢功臣年齒胡不侔我讀

新野傳慷慨思炎劉

此詩刺南都勲臣之無人也說附後漢書

鄧禹傳字仲華南陽新野人也受業長安時光武亦游

學京師遂相親附聞光武安集河北即杖策北渡追及

于鄴光武即位于鄴使使者持節拜禹為大司徒禹時

年二十四封為鄴侯天下平定封禹為高密侯禮二

十日弱冠後漢書二十八將傳永平中顯宗追感前

世功臣乃圖畫二十八將於南宮雲臺其外又有王常

李通竇融卓茂合三十二人以太傅高密侯鄧禹為首

陶詩光氣難與儔晉書劉琨刁協傳劉刁亮直志

奉興王二十八將傳論咸能感會風雲南齊書王融

傳融自恃人地三十內望為公輔直中書省夜歎曰鄧

禹笑人蜀志鄧芝傳字伯苗義陽新野人漢司徒禹

之後也益州從事張裕善相謂芝曰君年過七十位至

大將軍封侯按芝封陽武亭侯三國志蜀先王傳第

二後漢書馬援傳帝笑曰嬰鑠哉是翁也新序楚邱

二後漢書馬援傳帝笑曰嬰鑠哉是翁也新序楚邱



先生行年七十孟嘗曰先生老矣春秋高矣人物志

草之精秀者為英獸之拔羣者為雄蔡伯喈房植碩

碑享年垂老史記虞卿傳虞卿非窮愁亦不能著書以

自見於後世云後漢書順帝紀若顏淵子奇不拘年

齒慷慨見哭志行後漢書班超傳

贊定遠慷慨傳若金詩龍德奮炎劉

按史可法傳誠意伯劉孔昭以張慎言舉吳姓譚殿

上拔刀逐慎言召姜曰廣傳士英挾擁戴功內結勛

臣朱國弼劉孔昭趙之龍外連諸鎮劉澤清劉良佐

等謀擅朝權又好臣傳廷推閣臣劉孔昭攘臂欲得

之可法折以勲臣無入閣例孔昭乃訟言我不可士

英何不可於是進士英東閣大學士大清兵已

破揚州逼京城孔昭斬關遁而見於梅村詩者保國

公之生降中山公子之被辱求如常延齡之灌園終

老者且未易多觀明之勲喬何足算

也借鄧氏以興感蓋愼乎其言之矣

其五

遭時固不易推心尤獨難景畧王佐才臣主真交歡天  
意不佑秦中道奪之年苻堅有大度豁達知名賢獨斷  
未爲失興毀寧非天賊萇實弒君聞者爲衝冠鎮惡丞  
相孫流落來江南西伐功冠軍力戰收長安手劔縛姚  
泓俘之出潼關張良爲劉氏雅志在報韓能以家國耻

誦申兩主問其地皆西秦功亦堪比肩區區一李方報

恩何足言

此詩刺孫可望也說附後○遭時見避亂曹  
詩爲君旣不易爲臣良獨難後漢書光武

帝紀蕭王推赤心置人腹中

王景畧見讀史雜詩晉

書載記苻堅傳王猛呂婆樓

強汪梁平老等并有王佐

之才

五代史宦者傳張承業曰豈不臣主俱榮哉王

子淵聖主得賢臣頌上下俱欲歡然交欣

晉書載記

王猛傳苻堅將有大志聞猛名遣呂婆樓招之一見便  
若平生若元德之遇孔明也死時年五十一堅哭之慟  
謂太子宏曰天不欲使吾平一六合邪何奪吾景畧之  
速也又苻堅傳權翼進曰陛下宏達大度善馭英豪  
又堅曰所謂築室於道沮計萬端吾當內斷於心矣  
又堅曰吾精兵若猷利器如霜而斲於鳥合疲鈍之  
賊豈非天也又姚萇傳苻堅以萇為揚武將軍又苻  
堅傳堅至五將山姚萇遣將軍吳忠圍之執堅以歸幽  
之於別室萇乃縊堅于新平佛寺中史記刺客傳髮  
盡上衝冠南史王鎮惡傳祖猛仕苻堅任兼將相年  
十三而苻氏敗寓食屯池人李方家謂方曰當厚相報  
方曰君丞相孫人材如此何患不富貴至時願見用為  
本縣令足矣流落見遇劉雪勛漢書霍去病傳去  
病再冠軍王鎮惡傳身先士卒即陷長安城入關之  
功鎮惡為首公羊傳曹子手劔而從之通鑑泓將妻  
子羣詣鎮惡壘門請降鎮惡以屬吏大清一統志  
潼關在華州華陰縣東北四十里史記留侯世家根  
良者其先韓人也秦滅韓悉以家財求刺秦王為韓報

仇以大父父五世相韓故又呂后紀軍中皆左袒為劉氏晉書謝安傳雅志未就按家國耻秦滅韓國之

刑也大父開地相韓昭侯宣惠王襄哀王父平相釐王

悼惠王而韓破家之耻也按誦申兩主間兩主沛公

項羽也史記良數以太公兵法說沛公沛公善之常用

其策良說項梁曰君已立楚後而韓諸公子橫陽君成

賢可立為王益樹黨項梁使良求韓成立為韓王是其

申也項羽至鴻門下欲擊沛公項伯乃夜馳入沛公軍

私見張良欲與俱去良曰臣為韓王送沛公今事有急

亡夫不義乃具以語沛公又項王竟不肯遣韓王乃以

為侯又殺之彭城是其誦也句法則仿光武謂馬援卿

遨遊二帝間後漢書耿弇傳此皆齊之西界功足相

方晏子比肩繼踵而至左傳襄十七年子罕曰宋

國區區王鎮惡傳進次鼃池造故人李方家升堂見母

厚之酬賚即授方鼃池令後漢

書吳良傳報恩之義莫大薦士

按西秦于時事無可考據而明史嚴起恒傳孫可望

據雲南遣使乞封王起恒持不可後胡執恭矯詔封

爲秦王可望知其僞遣使求真封起恒又持不可可  
望大怒又楊畏知傳孫可望等入雲南據會城畏知  
責以不得仍用僞西年號可望許諾時永明王已稱  
號子肇慶而詔令不至前御史臨安任僎議尊可望  
爲國王以干支紀年鑄興朝通寶錢畏知憤甚可望  
數欲殺之胡執恭者慶國公陳邦傳中軍也守泗州  
城與雲南接欲自結可望言于邦傳先矯命封可望  
秦王可望大喜遣使至梧州廷臣始知矯詔事文安  
侯馬吉翔請封可望激江王使者言非秦不敢奉命  
大兵破廣州桂林王走南寧事急遣編修劉蔭  
封可望冀王可望仍不受乃直封可望秦王又吳貞  
毓傳馬吉翔龐天壽請事可望謀禪代前御史任僎  
中書方于宣勸可望設內閣九卿科道官改印文爲  
八疊盡易其舊立太廟定朝儀擬改國號日夕謀篡  
位以此徵之可望之謀禪代謀篡位也與萇同其挾  
封秦王與萇自稱大將軍大單于萬年秦王僭卽皇  
帝位于長安國號大秦同惟明史載大兵臨緬甸  
緬甸人以由榔父子送軍前死于雲南似可

望無姚萇之弑意由柳播遷域外寔由可望逼脅故  
日就死地而可望于大清順治十二年為李定  
國所敗挈妻子赴長沙大軍前降梅村為可望  
作誅心之論比之于弑而于其地皆西秦句畧為黠  
破兼惜起恒長知等之子孫無有如鎮惡留侯其人  
者手誅可望之罪耳敢以質之博聞者按雲南通  
志孫可望敗回貴州倉皇出走至長沙乞降於經畧  
閻郅洪承疇詔封義王并與明史合惟記可望  
之降在十

其六

宜城酒家保北海賣餅師千金懸賞購萬里刊章追途  
窮變名姓勢急投親知漢法重亡命保舍加誅巨破家  
相存濟百口同安危虞卿捐相印恨未脫魏齊惜哉燕

太子流涕樊於期瀨水一女子魯國一小兒今也無其

人已矣其安歸廣柳可以置置當猛虎蹊複壁可以藏

藏蔓點鼠窺古道不可作太息將何為此詩見避地甚難即陶靖節作

桃花源記之意今也無其人已矣其安歸是點明本意

處○天清統志宜城故城在今襄陽府宜城縣

南後漢書杜根傳根以安帝年長宜親政事上書直諫

太后大怒收執根等令盛以縑囊於殿上撲殺之既而

載出城外根得蘇太后使檢視根遂詐死三日目生蛆

因得逃竄為宜城山中酒家保又趙岐傳字邠卿京兆長陵人耻疾宦官中常侍唐衡兄玳收岐家屬宗親

陷以重法盡殺之岐遂逃難四方自匿姓名賣餅北海

市中又黨錮傳序或有逃遁不獲皆懸金購募又

孔融傳注刊削也謂削去告人姓名史記王父偃傳

吾日暮途窮變名姓見避亂謝元暉詩浩蕩別親知

漢法字出漢書灌夫傳更記索隱逃匿則削除名籍

故以逃爲亡命 按周禮地官五家爲比使之相保則

保舍猶比舍也 此舍字出晉書畢卓傳玉篇凡古文夷

字 後漢書張儉傳破家相容北史房景伯傳存濟甚

衆 趙岐傳安邱孫嵩密問岐曰視子非賣餅者我北

海孫賓石闔門百口孰能相濟 史記范雎傳魏齊夜

亡出見趙相虞卿虞卿度趙王終不可說乃解其相印

與魏齊亡問行欲因信陵君以走楚魏齊聞信陵君之

初難見之怒而自剄 又刺客傳秦將樊於期得罪於

秦王亡之燕太子愛而舍之荆軻遂私見樊於期曰願

得將軍之首以獻秦王臣左手把其袖右手搃其胸樊

於期偏袒搃腕而進遂自剄太子聞之馳往伏屍而哭

越絕書子胥遂行至溧陽界中見一女子擊絮於瀨

水之中子胥曰豈可得託食乎女子曰諾子胥食已去

謂女子曰掩爾壺漿毋令之露女子曰諾子胥行五步

還顧女子自縱於瀨水之中而死 後漢書孔融傳山

陽張儉爲中常侍侯覽所怨覽爲刊章下州郡以名捕

儉儉與融兄褒有舊抵於褒不遇時融年十六儉少之

而不告融見其有羞色謂曰兄雖在外吾獨不能爲君

左



主耶因留舍之後事洵國相以下密就掩捕儉得脫走  
遂并收褒融送獄認書竟坐褒焉按孔融魯國男子見  
楊彪傳大兒孔文舉小兒楊德祖見禰衡傳今云魯國  
一小兒其事則張儉之事而合用彪傳衡傳中語且因  
融年十六儉少之故借用小兒字也史記季布傳季  
布匿濮陽周氏乃髡鉗季布衣衣置廣柳車中并與  
其家僮數十人之魯朱家所賣之陸士衡猛虎行飢  
食猛虎窟趙岐傳藏岐複壁中年子瞻有黠鼠  
賦曹詩  
息將何為

三國志王昶戒子書北海徐偉長有所是非則託古  
人以見其意當時無所褒貶裴注曰寄旨古人無傷  
當時梅村讀史  
諸首為得之矣

遇南廂園叟感賦八十韻按北廂南向南廂北向  
見唐書禮樂志然詩中

所咏似監胄講肄之地非宗廟昭穆之位也太  
倉程穆衡述亭曰國子監之南廂房江南通志

順治九年總督馬國柱奏改  
南京國子監為江寧府學

寒潮衝廢壘火雲燒赤岡四月到金陵十日行大航平

生游宦地蹤跡都遺忘

此六句是重到金陵以游宦地  
正映下文故基以都遺忘反映

下文思量也。寒潮見塗松晚發

大清一統志賀

若鷓壘在上元縣北二十里韓擒虎壘在上元縣西四

里蘇詩廢壘無人顧 自詩火雲燒棧熱一統志赤石

磯在江寧縣東南城外長河東來有赤石枕中流居人

競種石榴每盛夏時綠堤燦若霞錦 又江寧府五代

楊吳武義二年改曰金陵府 又朱雀航在江寧縣南

通志謂之南航 又曰大航今聚寶門內鎮淮橋是其遺

址 游宦見閩州行 梁書劉杳傳每有遺忘皆訪問

焉 道遇一園叟問我來何方猶然認舊役即事堪心傷

開門延我坐破壁低圍墻却指灌莽中此即為南廂衙

開門延我坐破壁低圍墻却指灌莽中此即為南廂衙

上

舍成邱墟佃種輸租糧謀生改衣食感舊存園莊艱難

守茲土不敢之他鄉

此十四句是遇舊役而指舊署蓋南廂已化為園舊役已成爲叟叟

因守其園而不夫也

按梅村遷南京國子監司業園

叟卽舊役蓋度人在官曾執役于監中者耳。杜詩怡

然敬父執問我來何方魏書崔浩傳令復舊役非無

用也卽事見續史雜詩蘇詩破墻圖古屋明遠

蕪城賦灌莽杳而無際後漢書公孫述傳城邑邱墟

字典佃代耕農也後漢書趙岐傳卽表遣岐使荊州

督租糧楊誠齋詩萬方口業拙謀生文選有曹顏

遠感舊詩潘安仁西征賦美哉邈乎茲土之舊也

我因訪故基步步添思量面水背蒼崖中爲所居堂四

海羅生徒六館登文章松檜皆十圍鐘磬聲鏘鏘百頃

搖澄潭夾岸栽垂楊池上臨華軒菡萏吹芬芳談笑盡

貴游花月傾壺觴其南有一亭梧竹生微涼

此一投是因園叟所

指而感游宦地之蹤跡也我因訪故基二句開下文七

段堂館軒亭南廂之勝地十圍百頃南廂之佳景蓋思

量前此之南廂耳○温飛卿詩故基摧壞墻陶詩步

步尋往迹白詩無復心思量杜詩層軒皆面水潘安

仁西征賦面終南而背雲陽蒼崖見臨江叅軍狂詩

遂空所坐堂生徒見壽王鑑明明史選舉志分六

堂以館諸生日率性修道誠心正誼崇志廣業詩捨

楫松舟裴說詩松檜君山迴晉書桓温傳所種柳皆已

十圍詩鐘鼓嗶嗶磬筦鏘鏘百頃見避亂沈雲卿

詩碧水澄潭映遠空淵明桃花源記夾岸數百步中

無雜樹梁元帝詩垂柳復垂楊王景元詩常想憑華

軒陸士衡草木疏未發爲菡萏已發爲芙蓉韓詩幽

桂乃芬芳周禮地官凡國之貴游子弟學焉花月

見閩州行淵明歸去來辭傾壺觴以自酌按馮開之

重刻南雍三國志序跋曰祭酒馮夢禎序于衙齋之南

池亭疑卽所謂其南有一亭考也温飛卿詩四座無

喧梧竹靜柳誠懸  
詩殿閣生微涼

回頭望雞籠廟貌諸侯王左李右鄧

沐中坐徐與常霜髯見鋒骨老將東甌湯配食十六侯

劔珮森成行得之為將相寧復憂封疆北風江上急萬

馬朝騰驥重來訪遺跡落日唯牛羊吁嗟中山孫志氣

胡勿昂生世苟如此不如死道傍惜哉裸體辱仍在功

臣坊

此以下因南廂而歷敘故基先思量功臣廟也回  
頭二字從南廂蟬聯而下令人不覺前十句是廟

貌之盛後十句是功臣之衰蓋功臣以中山為首中山  
之後不可問則其他可知矣程迓亭曰遇南廂園叟

中敘中山公子徐青君○程詩三步回頭五步坐震字  
記雞籠山在上元縣西北九里鄭室甫今言洪武二

年立功臣廟於雞鳴山論功列祀二十一人命死者塑  
其像生者虛其位史記高祖紀願從諸侯王  
明史李

文忠字思本小字保見盱眙人太祖姊子也追封岐陽  
王鄧愈虹人初名友德賜名愈追封寧河王沐英字文  
英定遠人少失父母太祖撫爲子從朱姓復姓追封黔  
寧王徐達字天德濠人追封中山王常遇春字伯仁懷  
遠人追封開平王詩仲晦詩雪頂霜髯虎豹袖杜詩  
鋒稜瘦骨成漢書高帝紀懷王諸老將明史湯和傳  
字鼎臣濠人卒年七十追封東甌王按明史禮志功  
臣廟正殿中山武寧王徐達開平忠武王常遇春岐陽  
武靖王李文忠寧河武順王鄧愈東甌襄武王湯和黔  
寧昭靖王沐英西序越國武莊公胡大海梁國公趙德  
勝巢國武莊公華高虢國忠烈公俞通海江國襄烈公  
吳良安國忠烈公曹良臣黔國威毅公吳復燕山忠愍  
侯孫興祖東序郢國公馮國用西海武莊公耿再成濟  
國公丁德興蔡國忠毅公張德勝海國襄毅公吳禎斬  
國武義公康茂才東海郡公莖成撥六王之外西序八  
人東序七人正與論次功臣二十有一人之數合而室  
甫今言亦與史合今云配食十六侯似二十二入矣六  
字疑誤韓詩諸侯劍珮鳴相磨史記馮唐傳上既

聞廉頗李牧爲人良曰嗟乎吾獨不得廉頗李牧時爲  
吾將吾豈憂匈奴哉禮君子聽磬聲則思死封疆之五

晉書孔坦傳必須東北風急子瞻三馬圖贊振鬣  
長鳴萬馬皆瘡杜詩此豈有意仍騰驤王仲宣詩先

民遺迹詩日之夕矣牛羊下來茶澹心板橋雜記  
中山公子徐青君魏國介弟也家貲鉅萬造園大功坊

側宏光時加中府都督乙酉鼎革籍沒田產一身子然  
與傭丐爲伍乃至爲人代杖其居第易爲兵備道衙門

一日與當刑人約定杖數計償若于受杖時其數過倍  
青君大呼曰我徐青君也兵憲林公駭問有哀王孫者

對曰此魏國公之公子此堂乃其家廳也林公憐而釋  
之青君跪謝曰花園是某自造非欽產也林公唯唯厚

贈遺之查還其園賣花石貨枉礎以自活後漢書周  
澤傳生世不諧詩不如死之久矣杜詩不如棄路傍

後漢書禰衡傳裸身而立曹操笑曰本欲辱衡明  
史徐達傳帝常從容言徐兄功大未有寧居乃命有司

卽舊邸前治甲第蕭條同泰寺南枕山之陽當時寶誌  
表其坊曰大功

公妙塔天花香改葬施金棺手詔追褒揚袈裟寄靈谷

製度由蕭梁

此一段是思昂同泰寺之故基也。○蕭條見避亂一統志同泰寺在上元縣東北綱

目質寔即梁武帝捨身處

詩在南山之陽

神僧傳

釋寶誌本姓朱氏金城人天監十一年冬無疾而終梁

武帝因厚加殯送葬于鍾山獨龍之阜明史禮志道林

真覺普濟禪師寶誌以三月十八日南京太常寺官祭

雪梁簡文帝唱導文菩提妙塔多寶踊現天花見贈蒼

雪梁元帝阿育王像碑示表金棺奇園寄所寄明太

祖建壽陵將遷寶誌家視之不報曰假地之半遷瘞微

偏常一日享爾一供乃得卜發其坎金棺銀槨因函其

骨移瘞建靈谷寺衛之立浮圖於函上覆以無梁甃殿

工費鉅萬仍賜庄田三百六十所日食其一歲而周焉

御製文樹碑華嚴經著袈裟者捨離三毒也陀羅尼

經袈裟者秦言染衣也王昭上遊靈谷寺記寺舊有誌

公注衣革履前明寺觀記靈谷寺在應天府鍾山東南

晉建宋改太平興國寺洪武中徙建於此梁書武帝



紀高祖武皇帝諱衍  
漢相國何之後也

千尺觀象臺太史書禎祥北望占

旄頭夜夜愁光鉞

鉞應作芒之故基也

此一段是思量觀象臺

年設象臺於雞鳴山又職官志欽天監觀象臺四面而

四天又生輪司測候

後漢書百官志靈臺掌候日月

星氣皆屬太史左傳僖五年凡分至啟閉必書雲物

史記天官書晷日髦頭

衛象詩猶向旄頭夜夜看

記天官書填星其色

高帝遺衣冠月出修蒸嘗

蒸應作蒸圖

黃光芒者曰黃鐘宮

書盈玉几弓劔堆金牀承乏忝兼官再拜陳衣裳南內

因灑掃銅龍啟未央幽花生御榻苔澀青倉琅離宮須

望幸執戟衛中郎萬事今盡非東逝如長江

此一段是思量明高

廟與故宮之故基也承乏忝兼官數語更與平生遊宦地為親切○更記叔孫通傳高寢衣冠月出遊高廟詩

禰利丞嘗 圖書見松風列仙傳岱宗石室中上下懸

絕其中育金牀玉儿 李詩軒轅去時有弓劍 左傳

成二年攝官承乏漢書杜鄴傳兼官奉使顯寵過故明

史職官志南京國子監祭酒 人司業一人太常寺卿

一人少卿一人 援詩意當是柳村官司業時曾兼太常

之事也 杜詩南內開元曲 漢書成帝紀注門樓上

有銅龍若白鶴飛廉之為名也 史記高祖紀八年蕭丞

相營作未央宮詳蕭何 杜詩幽花歆滿樹元詩依然

御榻臨階斜 温飛卿詩苔澀淬昆吾漢書五行志成

帝時童謠曰木門倉琅根 注門之鋪首及銅鑲也銅色

青故曰倉琅鋪首銜環故謂之根 漢書枚乘傳脩治

上林雜以離宮 顏延年詩望幸傾五州 史記淮陰侯

傳官不過郎中位不過執戟 注郎中宿衛執戟之人也

杜詩嘆息人間萬事非 又不見堂前東逝波古韻

江通 鍾陵十萬松大者參天長根節猶青銅屈曲蒼皮

陽 僵不知何代物同日遭斧創 此一段是思量鍾陵之故

基也但言松而他可見矣

○鍾陵詳鍾山王詩萬壑樹參天杜詩柯如青銅

根如石吳志孫皎傳不能隨俗屈曲杜詩蒼皮成委

積蘇詩不惜斤斧創前此千百年豈獨無興亡况自百姓伐孰

者非啡桑此四句言自古有興必有亡伐松與啡桑皆

百姓之自為生計也故為慰解之詞而其悲

更深漢書昭帝羣生與草木長養皆吾皇人理已泐

紀啡桑者益衆

滅講舍宜其荒此四句言人與物皆君之所發育羣生

已失其養何有於講舍中之草木乎草

木字若因松而及之講舍字仍點入南廂亦能令人不

覺漢書宣帝紀養育羣生也長養見松鼠晉書樂

志唐書我皇漢書許皇后傳恐失人理楊村獨念

穆苑先墓誌銘余叨貳陪雍君來訪雞籠講舍

四庫書卷輟誇縹緗孔廟銅犧尊斑剝填青黃棄擲草

莽間零落誰收藏此思量現在之南廂也書卷祭器棄

擲草間悲可知矣獨念二字近則從

宜其荒轉出遠則與回頭望相映也而水一段敘南廂之盛四庫一段敘南廂之衰而將功臣廟同泰寺等夾敘於中間遂合成一段極烟雲變化之妙又於鍾陵下講舍上作兩小段以演迤之是又變化中之變化也○册府元龜開元七年詔曰今麗正殿寫四庫書各千本庫每部別為目錄卷軸見壽王鑑明隋書經籍志荀勗分四部總括羣書盛以縹囊書用紺素按明史禮志至聖先師孔子廟祀籙用竹其籩籥登劍及豆初用木者悉易以釜不云用銅也詩犧尊將將周頌詩巘霞上斑剝莊子百年之木破為犧尊青黃而文之淮南子百圍之木斬而為犧尊鏤之以削刷雜之以青黃按諸書犧尊皆用木銅字俟考王仲宣詩抱子棄草間零落見避亂其老翁見話久婦子私相商人倦馬六收藏見讀西臺記

亦疲剪韭炊黃粱慎莫笑貧家一一羅酒漿從頭訴兵

火眼見尤悲愴

原注叶 此段是通篇樞紐上半篇是自已目中意中語下半篇是老翁口中

語從頭訴兵火二句開出下文○沈初明詩道邊一老翁  
詩嗟我婦子 吳子馬疲人倦而不解舍 杜詩

夜雨剪春韭新炊間黃粱 南史朱修之傳此是貧家  
好食進之致飽 杜詩兒女羅酒漿 五代史高季興

傳兵火之後井邑凋零 元詩耳聞眼見為君說按槍  
初亮切叶初良切音昌王逸九思蚺蚺兮噍噍蚺蚺兮

穰穰歲忽忽兮惟 暮余感時兮悽愴 大軍從北來百姓聞驚惶下令將入

城傳箭需民房里正持府帖僉在御賜廊插旗大道邊

驅遣誰能當但求骨肉完其敢攜筐箱扶持雜幼雅失

散呼耶孃 此一殿是訴兵火之寔也○一統志 大  
清兵以五月巳丑渡江丙申 夫兵至南

京城北晉書杜預傳北來諸軍乃飛渡江也 古木蘭  
詩火伴始驚惶 史記管晏傳下令如流水之原 杜

詩青海無傳箭 漢書韓延年傳又置正五長師古曰  
若今之鄉正里正也杜詩府帖昨夜下 宋史河渠志

往往泊御廊及僧舍歐陽永叔詩擊鼓揀旗催解船

古焦仲卿妻詩仍更被驅遣骨肉見閩州行新

書刀筆之吏務在筐箱漢書許后傳江南昔未亂問

加以幼穉古木蘭詩朝辭耶孃去

左稱阜康馬阮作相公行事偏猖狂高鎮爭揚州左兵

來武昌積漸成亂離記憶應難詳此一段是訴兵火之由也奸臣驕弁所以

速明之亡於眼見中又作追憶之語史記淮南傳發

閩左之戍宋史樂志何以格之永爾康阜明史奸臣

傳馬士英貴陽人與懷寧阮大鍼同中會試士英督師

廬鳳擁兵迎福王於是進上英東閣大學士中旨起大

鍼兵部添注右侍郎上英以南渡之壞半由大鍼而已

居惡名頗以為恨元詩姚崇宋璟作相公莊子猖狂

不知所往明史高傑傳米脂人福王封傑與平伯列

於四鎮領揚州駟城外傑固欲入城揚州人畏傑不納

傑攻城急日掠廂村婦女閣部史可法議以瓜州子傑

乃止又福王傳寧南侯左良玉舉兵武昌以救太子

乃止

誅土英為各綏寇紀畧左以乙酉三月廿六日傳檄討  
馬士英白漢口達蘄州火光接天者二百餘里武昌見  
聞州行漢書賈誼傳其漸積而勢使之然也退之祭十二郎文當不復記憶下路初定來

官吏踰會狼按籍縛富人坐索千金裝以此為才智豈

口惟私囊今日解馬草明日修官塘誅求却到骨皮肉

俱生瘡此一段是訴兵火之後尚有餘殃也不專指園  
叟而園叟自在其中○南史謝靈運傳下路聚

語疑非常人按金陵卽元之建康路集慶路也來語助  
辭出莊子史記項羽紀貪如狼後漢書馮異傳披

圖按籍漢書陸賈傳橐中裝直千金後漢書第五  
倫傳躬自斬芻養馬陸佐公為豫章王教第五倫之臨

會稽躬斬馬草唐書地理志杭州餘杭郡縣新城有  
官塘堰水溉田按此詩不專指杭州左傳襄三十一

年誅求無時漢書西域傳障侯長吏使卒獵獸以  
皮肉為利晉書王恭傳久不騎乘驛生瘡不能去野

老讀詔書新政求循良瓜哇亦有畔清水亦有防始信

立國家不可無紀綱春來雨水足四野欣農忙父子力

畔耘得粟輸官倉遭遇重太平窮老其何妨此一段是  
新兵火既

息得見太平也農忙輸倉名與佃種輸租糧相映合○  
後漢書第五倫傳每讀詔書常歎息曰此聖主也杜

牧之詩南面富殖良韓詩風哇爛文具詩隔則有泮  
箋泮讀為畔畔涯也周禮地官遂人十夫有溝又冬

官比溝必因水執防必因地執杜詩本亦有堤防詩  
之綱之紀禮仲春之月始雨水隋書食貨志於諸

州緣河津濟皆官倉積貯唐書姜蕃傳人喜薄暮難  
日不意復見太平官府鮑詩窮老還入門

再留暝色猶青蒼策馬自此去悽惻摧中腸顧羨此老

翁負耒歌滄浪牢落悲風塵天地徒茫茫此一段近與  
婦于相商一

卷二上



段相應遠與道遇園叟相應將彼黍離離之感收入野  
老閒話之中更覺烟波無盡○漢書尹賞傳城中薄暮

塵起李少卿詩行人難久留謝靈運詩林壑斂暝色

王仲宣詩驅馬棄之去懷惻見臨江叅軍魏文帝

詩斷絕我中腸陸務觀詩稻隴可負耒按歌滄浪用

楚辭漁父事陸士衡文賦心牢落而無偶杜詩支離

東北風塵際飄泊西南天地

間左傳襄四年茫茫禹跡

此等詩可作古文讀之可作名畫觀之可作雅樂聽

之可作佳山水遊之斯能於五言中另開生面不至

為古人所限

### 下相懷古

天清一統志下相故城在徐州府宿遷縣西項羽里在舊縣治北一里綱

目質寔應劭云相水出沛國相縣于水下  
流置縣故名下相也懷古見讀鄭世子傳

驅車馬陵山落日見下相憶昔楚項王拔山氣何壯太

息取祖龍大言竟非妄破釜救邯鄲功居入關上殺降

復父讐不比諸侯將杯酒釋沛公殊有君人量

此段傳項羽之

益○古詩驅車策駑馬明史地理志沂州郯城東有馬

陵山一統志馬陵山在宿遷縣城枕其上史記項羽

紀羽自為詩曰力拔山兮氣蓋世漢書賈誼傳可為

長太息者六羽紀秦始皇帝游會稽渡浙江籍口彼可

取而代也史記秦始皇紀祖龍者人之先也文選兩征

賦注祖始也龍人君之象謂始皇也莊子大言炎炎

羽紀梁掩其口曰毋妄言族矣又救鉅鹿渡河皆沉

船破釜齧燒廬舍持三日糧以示士卒必死無一還心

一統志邯鄲故城在廣平府邯鄲縣西南高祖紀吾

與諸侯約先入關者王之吾當王關中史記李將軍

傳禍莫大於殺已降羽紀其季父項梁章邯擊楚軍大

破之定陶項梁死又楚軍夜擊阬秦軍二十餘萬人新

安城南又項羽召見諸侯將入轅門無不膝行而前

莫敢仰視又項王曰旦日饗士卒為擊破沛公軍沛

公旦日從百餘騎來見項王至鴻門謝項王因留沛公與飲沛公起如廁於是遂去令張良留謝曰沛公不勝杯杓不能辭脫身獨去已至軍矣子瞻留侯論增之欲殺沛公人臣之分也羽之不殺猶有君人之度也

胡為去咸陽遭人扼其吭亞父無諍言奇計非所望重

瞳顧柔仁隆準至暴抗脫之掌握中骨肉俱無恙所以

哭魯兄仍具威儀葬此段懷項羽之哀○羽紀羽引兵西屠咸陽收其貨寶婦女而東曰

富貴不歸故鄉如衣繡夜行誰知之者史記劉敬傳今陛下入關而都秦秦之故地此亦蓋天下之航而拊

其背也羽紀亞父者范增也唐書崔元亮傳率諫官

叩延英苦諍反覆數百言羽紀范增年七十素居家

好奇計贊又聞項羽亦重瞳子高祖紀項羽仁而愛

人漢書元帝紀壯大柔仁好儒

記佞幸傳高祖至暴抗也又淮陰侯傳漢王不可必

身居項王掌握中數矣戰國策王亦無恙耶羽紀太

公呂后間求漢王反遇楚軍楚軍遂與歸報項王項王  
常置軍中又漢王使侯公說羽羽乃與漢王約中分天  
下歸漢王父母妻子又漢王曰吾與項羽俱北面受  
命懷王曰約為兄弟又以魯公禮葬項王穀城漢王為  
發哀泣之而去綱目質寔穀城  
縣東一十二里有項羽墓在焉古來名與色英雄不能

忘力戰兼悲歌西風起酸愴廢廟枕荒岡虞兮侍帷帳

烏騅伏坐傍踣地哀鳴狀此段為羽作慰藉○英雄見  
又咏古羽紀願為諸君決

戰必三勝之潰圍斬將刈旗令諸君知天亡我非戰之  
罪也又項王乃悲歌慷慨歌數闕美人和之項王泣數

行下後漢書列女傳辭甚酸愴梅村項王廟詩自

注在宿遷羽紀項王則夜起飲帳中有美人名虞常

幸從駿馬名騅常騎之羽自為詩曰騅不逝兮可奈何

虞兮虞兮奈若何冥志孫堅傳注堅所乘馬馳還營

踣地我來訪遺跡登高見芒碭長陵竟坏土坏應  
作坏萬事

呼鳴

同惆悵

此段為羽作對照亦是為羽作慰藉也○高祖紀亡居隱於芒碭山澤巖石之間綱目質寔芒

山在歸德府城東一百八十里碭山在徐州府碭山縣

東南七十里高帝紀塋長陵綱目集覽長陵在渭水

北去長安三十五里史記張釋之傳假令愚民

取長陵一抔土書萬事墮哉惆悵見西田詩

樂括羽傳詞意明淨以長

陵作對照筆力更為迢逸

### 夜宿阜昌

一統志阜城故城在今河間府阜城縣東名勝志劉豫嘗兼取阜城昌城之名

改縣曰阜昌郡按阜城雖自蘇州入京之路而

與樂毅無涉淄川不當孔道而距新泰蒙陰不

遠梅村由齊入燕或曾遊其地故云我來古昌

國也然又與阜昌不合程迓亭曰淄川為齊之

故都燕鳥能以封毅河

間厲燕境似為近之

我來古昌國望古思樂生總將六諸侯撫劍東專征下

齊功不細奔趙事無成草沒黃金臺猶憶昭王迎涕泣

辭伐燕氣誼良非輕此真天下士豈獨因知兵忠心激

舊將誓死存聊城惜哉魯仲連排難徒高名勸使東游

齊毋乃傷縱橫此過昌國君故城而作前投十句序樂生之功伐氣誼後投八句特深贊之而

以魯仲連為對照也此真天下士筆勢與昌黎南山詩大哉立天地同一警

不覺○一統志昌國故城在濟南府淄川縣東北三十

五里燕昭王封樂毅於昌國號曰昌國君又武城縣有昌國城蓋縣嘗徙治也

望古遙集夏侯太初樂毅論樂生之志千載一遇也編目質是樂毅靈壽人樂羊之後

戰國策樂毅為燕昭王合五國之兵而攻齊竹書紀年王命西伯得專征伐戰國策下齊七十餘城三城未下新序楚兵王曰其功不細必厚爵之

戰國策燕昭王死惠王即位用



贈家侍御雪航

按後漢書孔融謂李膺先君孔子

佳話而楊修有修家子雲老不曉事之語遂為

濫觴近世凡同姓者多用家字潘皆山曰李穆

堂書曝書亭集後云近世人詩文標目於同姓

人輒稱家某人考宋元以前文字皆無此稱凡

宗族近者依輩行稱伯叔父兄弟從兄弟其餘

雖同姓直稱其姓而已若杜詩於位韓文於重

華皆其子姪猶直稱姓其於疏遠可知稱家之

失殆始於明之中葉成宏以前猶不失唐宋人

家法至嘉靖諸人乃率意杜撰云云據此則稱

家某人云者尚沿中明氣習與書正於羣僕侍

御之臣漢書百官表御史中丞外督部刺史內

領侍御史十五人受公卿奏事舉劾甘肅通志

巡茶御史吳達江南無錫人順治七年任常州

府志吳達崇禎三年庚午舉人本朝累官通

政



士生搶攘中非氣莫能濟勁節行胸懷高談豁心智吾

家侍御公平生蘊風義

起四句作引五句點出雪航六句補敘雪航生平又總括全篇

意○漢書賈誼傳國制搶攘注攘女唐反師古讀搶攘

為倉獍江詩凌風知勁節三國志法正傳如何禁止

法正使不得行其意耶高談見哭志衍南史顏延之

傳心智薄劣後漢書黨錮傳論蘊義生風季義山詩

平生風義

世難初橫流事定猶草昧召見邯鄲宮軍中

兼師友

獲能吏移牒拜諫官創業更新制長刀夾殿門令下誰

敢議扣馬忽上陳挺身艱難際丈夫持國是僵仆無所

避封事即留中天語加褒異

此序雪航初官侍御時風裁之峻○晉書王尼傳滄

海橫流處處不安也史記項羽紀天下事大定矣易

天造草昧

一統志邯鄲宮在邯鄲縣西北里許光武

破王郎居邯鄲宮卽此能吏出漢書刑法志唐書

百官志凡京師諸司有符移關牒下諸州者必由於都

省以遣之杜詩諫官非不達隋書禮儀志梁武受禪

侍衛兼有御仗鈇稍赤斃角抵勇士青斃衛仗長刀刀

劍細仗羽林等分直諸門齊有持鈇隊鈇槩隊長刀隊

後周左右宮伯各執龍環金飾長刀行則夾路車後漢

書百官志光祿勳卿一人掌宿衛宮殿門戶史記李

斯傳令下卽各以其私學議之杜詩邊人不敢議史

記伯夷傳扣馬而諫杜詩挺身艱難際新序君臣

不合國是無迫定矣王介甫詩瘦妻僵前子仆後漢

書息夫躬傳論議無所避又霍光傳上令吏民得奏

封事文心雕龍或上書或奏狀慮有宣洩則囊封以進

謂之封事更記三王世家奏未央宮留中不下受命巡

天語見遇劉雪舫南史周捨傳量加褒異

山東恩威恤凋敝會討泰山賊無辜輒連治破械使之

歸父老皆流涕此序雪航按山東之事會典順治元

年直隸各省差巡按御史各一員蓋雪

航曾以御史巡按山東也後漢書李恂傳威恩並行

漢書尹齊傳尉吏民益彫後漢書桓帝紀泰山賊

公孫舉等寇青兗徐三州遣中郎將段熲討破斬之

書與其殺不辜三國志田豫傳一時破械遣之

記高祖紀與父老約法三章耳

征南甘侯軍豪奪武昌地可憐黃陵廟

鈔畧空村閉君來仗威名一言釋猜忌塢壁招殘民郊

原戢游騎從此巴邱兵始識長沙尉此序雪航按湖廣

傳遷安南將軍王敦稱兵遣使告卓卓使參軍孫雙詣

武昌諫止敦敦驚曰甘侯前與吾語云何而更有異樂

道融因說卓襲之武昌大驚傳卓軍至人皆奔散詔遷

卓為鎮南大將軍按此蓋以比當時征南者耳

見閩州行一統志黃陵廟在長沙府湘陰縣北四十

里水經注大舜之陟方也

祠於水側焉後漢書袁術傳鈔畧為資百姓患之杜

詩故里但空村漢書陳湯傳威名遠聞

三國志呂

布傳布雖饒勇然無謀而多猜忌後漢書樊準傳修

理塢壁王介甫詩殘民滅國遞爭奪蕭子範詩郊原

共起遠唐書李密傳率驍勇二十人為游騎伏于邱莽

間子山大將軍司馬裔碑氣振巴邱之兵一統志巴

邱故城即今岳州府治又長沙府湖南布政司治至

京師四千五百五十里漢書高帝紀注守者郡守尉者

都尉也按二句言兵西望浚稽山黃河遠其背青羌十

知有吏不敢橫肆也

七種驕駟飾文鬪自古於金城互市有深意蜀賈蒙山

茶兵火苦莫致將吏使之然憂將玉關廢奉詔清河湟

俾復商人利干車摘岷我五花散涇渭至今青海頭共

刻黃龍誓此序雪航清河湟之事會典順治二年題

准陝西甘肅洮寧等處差御史一員督理茶

馬事務至康熙七年停差按詩意是雪航晚為茶馬御

史也干車摘岷我是摘岷我之茶五花散涇渭言涇渭

史也干車摘岷我是摘岷我之茶五花散涇渭言涇渭

史也干車摘岷我是摘岷我之茶五花散涇渭言涇渭

史也干車摘岷我是摘岷我之茶五花散涇渭言涇渭

史也干車摘岷我是摘岷我之茶五花散涇渭言涇渭

史也干車摘岷我是摘岷我之茶五花散涇渭言涇渭

馬多○漢書李陵傳出居延北行三十日至浚稽山一統志喀爾喀浚稽山直受降城漠北其山當在今上喇河及鄂爾渾河之間又黃河出今西蕃巴顏喀喇山東名阿爾坦河東北流三百餘里合鄂敦他拉諸泉源一匯為查靈鄂靈二海子折而北經蒙古托羅海山之南轉東南流千餘里北受數十小水經烏藍莽乃山下有多母打禿昆都倫河多拉昆都倫河自東南來入之自此折而西北流三百餘里前後小水奔注不可勝計繞阿木你馬勒產母孫山之東流百五十餘里有齊普河呼呼烏蘇河自西來入之又迤邐東北流三百餘里會踏克圖袞俄爾濟諸水一歷歸德堡經積石山至陝西臨洮府河州入中國界一華陽國志諸葛亮南征平四郡移南中勁卒青羌萬餘家于蜀為五郡一後漢書西羌傳忍生九子為九種無生十七子為十七種羌之興盛從此起矣一麟駟出史記趙世家桓譚新論朱旃文闕充于內府一後漢書地理志金城郡昭帝置一統志金城故城在臨洮府蘭州西南一後漢書應劭傳鮮卑隔在漠北唯至互市乃來靡服一宋史田錫傳無尙小功許通

百市又程俱傳蓋有深意也史記貨殖傳隴蜀之貨

物而多賈一統志蒙山在雅州府雅安名山蘆山三縣

界寰宇記蒙山在名山縣西七十里北連羅緬山南接

巖道縣山頂受全陽氣其茶芳香兵火見遇南廂園

嬰詩遠莫致之史記灌嬰傳盡得其軍將吏左傳桓

六年我則使然一統志玉門關在沙州衙西北故龍

勒縣西北一百十八里漢書周昌傳臣期期不奉語

一統志湟水在蘭州西入黃河白詩商人重利輕別

離岷峩見哭志衍李詩五花馬一統志涇水自平

涼府涇州至高陵縣西南入渭渭水自秦州清水縣又

東入河北史吐谷渾傳青海周回千餘里一統志青

海古曰西海番名呼腦兒在陝西甘涼西寧河洮岷

及四川松潘等處徼外後漢書南蠻傳板楯蠻夷者

秦昭襄王嘉之盟曰秦犯夷輸黃龍一雙夷犯秦輸清

鐘酒一揭節還歸來公私積勞勤安卧無多談循資躡高

位却拜極言疏手板指朝貴恩深因薄謫材大終難棄

此序雪航差滿回京而建言被謫也恩深二句是通篇

歸重處○後漢書馮衍傳懷金垂紫揭節奉使危太

樸別友賦傷馳驅之勞勩梁書賀琛傳欲求安卧其

可得乎楊子幼報孫會宗書無多談歐陽行周上鄭

相公書自茲循資歷級左太冲詩世胄躡高位拜極

言疏見臨江叅軍晉書温嶠傳嶠因偽醉以手板擊

鳳幘墜朝貴見讀史雜詩漢書杜鄴傳人情恩深者

其養謹薄謫見臨江叅軍杜詩古來材大難為用

古之賢豪人深沉在晚歲歛盡萬里心日共殘編對學

以閱世深官從讀書退以之輕軒冕蕭條自標置此序

謫官後意思深長是勉之之詞○史記游俠傳豈非人

之所謂賢豪間者耶又刺客傳智深而勇沈古詩良

田無晚歲杜詩老鶴萬里心成原常詩白首殘編

萬古心閱世見讀史雜詩宋書王敬宏傳既到宜

退旋復解官莊子軒冕在身物之儻來寄也我來

蕭條見避亂其六晉書劉惔傳其高自標置如此

客京師一身似匏繫老大慚知交淒涼託兄弟臨風或

長歌邀月非沉醉論世追黃虞刪詩及曹魏恐君故鄉

思失我窮途慰

此段以自已伴說見與雪航知契之深而惟恐其去也故鄉句暗引起下文五

湖歸田等語

○公羊傳京師者何衆大也

古詩老大

徒傷悲劉勰新論知交之手朋友亦有切磋琢磨相成

之義按二句言見知交而慚惟兄弟是託也

臨風見

避亂張平子西京賦女娥坐而長歌

季詩舉杯邀明

月三國志蔣琬傳時又沉醉

更記伯夷傳黃農虞夏

按刪詩借用孔子世家字曹乃魏姓指孟德父子及

建安諸人

按恐君故鄉思二句恐雪航懷歸而

家在

已無慰藉也

晉書阮籍傳轍途所窮輒痛哭而返

五湖西扁舟入夢寐欲取石上泉洗濯塵中累羣公方

見推雅志安得遂朝罷看西山千峯落濃翠良友供盤



桓清秋足游憇待予同拂衣徐理歸田計此段訂其他年借隱正是

於現在作挽留也○周禮揚州數曰震澤浸曰五湖

謝靈運詩夢寐佇歸舟楚辭飲石泉兮蔭松栢蘇

詩但令凡心一洗濯南史阮孝緒傳庶保生全以免塵

累羣公見臨江叅軍晉書何充傳今日何故見推

雅志見又咏古第五首陸士衡有遂志賦西山見遇

劉雪舫晉書王徽之傳徽之直高視以手版拄頰云西

山朝來致有爽氣耳干峯見西山詩李義山詩濃翠

遙相倚易盤桓利居貞殷仲文詩獨有清秋日洛

陽伽藍記惟冠軍將軍郭文遠遊憇其中後漢書楊

彪傳明日便當拂衣而去張平子有歸田賦白詩心

歸田計

此首因雪航謫官而贈詩慰藉故前五段於其授官

之榮與在官之績言之綦詳恩深因薄謫收束上半

篇材大終難棄開出下半篇用意周到是投贈詩中

之佳者冀孝升雪航侍御還朝詩青霜一夕起駕

班有客乘驄萬里還  
昔藉夜肥西極馬  
葡萄秋入玉門關  
盛名博望槎同遠  
往事朱游檻獨攀  
長爲膺滂生意氣  
盈廷卿相已摧顏

陳國公孫處

臣聞古者聖王受命而興  
建國立君以治天下  
故先慎乎德  
德薄而教不興  
德盛而教興  
教興而民化  
民化而後  
可以行刑  
刑者  
所以助教  
教者  
所以化民  
民化而後  
刑  
刑者  
所以助教  
教者  
所以化民  
民化而後  
刑

吳詩集覽卷二下

五言古詩二之下

題河渚圖送胡彥遠南歸

錢塘縣志河渚本名南潭湖又曰兼葭深處又

曰渦水俗稱河水又名秋雪梅村送胡彥遠南歸序詩人胡彥遠于長安每酒酣詫客曰吾

家在武林之河渚明詩綜胡介初名士登字彥遠錢塘儒學生

馬背話江南春山吾負汝白雲能容人猿鳥不我與

此詩

是在京而送彥遠也故先從己之不能南歸說起○劉仲晦詩萬里嵐光乘馬背王詩夜靜春山空魏書賈

葵傳吾不負汝晉書周顛傳足容卿輩數百人孔

德璋北山移文蕙帳空兮夜鶴怨山人去兮曉猿驚唐

書吳武陵傳獨子厚與西泠有高士結廬在河渚讀書

猿鳥為伍詩不我與

尙感激平生慎推許

此言彦遠先居河渚也○西湖雜記西陵橋一名西泠史記魯仲連

傳齊國之高士也

陶詩結廬在人境

後漢書朱穆

傳論專諸判卿之感激

齊書王儉傳物議咸相推許

獨坐長微吟清言出機杼秋風忽乘興千里長安旅

此言

彦遠辭河渚入京師也○魏文帝詩短歌微吟不能長

世說謝鎮西少時聞殷浩能清言魏書祖瑩傳文章

須自出機杼

晉書

王嶽之傳乘興而來

同好四五人招尋忘出處寄跡依

琳宮雙松得儔侶雖入侯王門不受公卿舉

此言彦遠雖在京師

仍抱雅志也○左傳儔四年與不穀同好如何

季詩

與爾相招尋杜詩乘興杳然迷出處

陶詩寄跡風雲

韓詩珠館青童宴琳宮阿母歌

紀伯紫有慈仁寺訪

彦遠詩周青士析津日記慈仁寺俗呼報國寺六研齋

筆記京師報國寺古松二株在佛殿前字建洛神賦命

儔嘯侶

仲長公理樂志論豈羨入帝王之門哉

晉

書夏侯湛傳而受卿尹之舉

登高見遺廟頽垣竄鼯鼠悲歌因卧病

歸心入春雨從此謝姓名問之了不語

此段是彦遠南歸之由○杜詩

遺廟丹青落按登高句應指昌平山水也宋武帝詩

古木秀頽垣鼯鼠見松鼠古詩悲歌可以當泣劉公

幹詩卧病清漳濱賈閔仙詩歸心日夜憶咸陽子山

豆盧公卿春雨潤木自葉流根杜詩問之不肯道姓

名我為作此圖彷彿梅花墅蒼然開南軒飛泉落孤嶼

想見君山中相思日延竚點出題圖作結○按一統志

六里然西湖志上乘院在西溪之東梅花塢中當是

詩所指後漢書延篤傳詠詩南軒陸士衡詩飛

漱鳴玉謝靈運詩孤嶼媚中川想見君山中顧瞻

謂君字指彦遠不必指江陰之君山今從之雜騷

竹乎吾

將反

仇註杜詩極講段落勻停之法梅村集中固不拘拘於此然勻停者甚多如此詩前三段各四句後三段各六句當不為滄程之所訶矣 彦遠送吳梅村被徵四律有云身隨杞宋留文獻代閱商周重鼎彝歸心更度桑乾水伏櫪重登郭隗臺能寫得梅村身分出更寫得梅村心事出馬背話江南五字殊非泛泛萬年少贈胡彥遠詩河渚經營把釣綸乾坤草莽一閒身南陽高卧真名士東漢餘生舊黨人十載荃蘅同入夢三冬冰雪獨傷神荷鉏歸去田廬閉莫向人間學問津 按紀伯紫送胡彥遠南歸有云澹比松下禪豎類柏舟婦一家河渚棲梅花帶左右入林恐不 數峯當戶守內子亦苦吟研山間井臼置君神仙中無廻圖畫醜此語今十年夢魂未嘗負而終之以莫帶長安塵輕點溪頭酒則彥遠蓋逸民之流年少伯紫亦能以道義相勗者

送何省齋

篋衍集作送何第五按張敦復相國祭何恭人文于歸太守公為相國文端公

之冢婦中表兄弟皆極一時之盛辨齋先生爲  
名孝廉省齋先生爲館閣前輩篇中所云君初  
丞相家祖德簪纓繼指文端而君家好兄弟指  
辨齋省齋也花發龍沙醉高堂剖符竹蓋省齋  
之父爲贛州守而省齋於罷官後往省任所高  
堂字指其父而言也梅村送何蓉菴出守贛州  
詩有師恩衰境負之句亦指文端而此詩之剖  
符龍沙者叩蓉菴耳明史何如寵傳字康侯桐  
城人武英燬大學士崇禎四年副延儒總裁會  
試諡文端授梅村以崇禎四年成進士則如寵  
其座主也妾慶府志何采字敬輿號醒齋相國  
文端孫文端予告後居秦淮采遂以江寧籍試  
順治戊子巳丑聯捷由庶常歷遷侍讀氣節高  
峻不諧於時甫三十卽棄官歸何亮功字次德  
號辨齋順治丁酉舉人又于任子內載何應璜  
父如寵廕戶部郎中本朝贛州知府又於列  
女內載方氏大學士何如寵妻子應璜知府孫  
亮功舉人采翰林侍讀按此則醒齋卽省齋應



哲人尙休官取志不在歲賢達恃少年輕心撥名勢神

仙與酒色皆足供蟬蛻在已本歡娛富貴應難累婆娑

彼顏老匪止妻孥計棲棲守腐鼠自信無餘技嗟我豈

其然今也跡相類

此篇是梅村自作小傳而因省齋以發之也首段言哲人當蟬蛻於富貴

之外彼顏老而不知止者計妻孥仍是貪腐鼠已非其人而適有其跡也

○詩其維哲人

李義山詩青袍御史擬休官張景陽詩取志於陵于漢書韋賢傳注古者

七十縣車致仕謝靈運詩謝病不待年

後漢書李固

傳是以賢達功遂身退

漢書廣陵厲王胥傳其人輕

心後漢書鄧禹傳常欲遠名勢

史記留侯世家願棄

人間事欲從赤松子遊耳乃學辟穀道引輕身又信陵

君傳公子自知再以毀廢乃謝病不朝與賓客爲長夜

飲多近婦女又屈原傳蟬脫於濁穢以浮游塵埃之外

拔留侯以神仙為蟬蛻李鄴侯近之信陵以酒色為蟬

蛻郭汾陽近之蘇子卿詩歡娛在今夕詩婆娑其

下爾雅釋訓虺頤病也腐鼠見松鼠陳季詩自知

報國無他技

詩嗟我懷人

同事有何郎英懷托深契三十拜侍中

向人發長喙拂袖歸去來故園有松桂世網敢自由鄉

心偶然遂樗散却見留送之以流涕此段言省齋去而

已偏留點明送字

○南史楊公則傳要與同事宋廣平梅花賦儼如傳粉

是謂何郎此借用陸士衡周處碑英情天逸王無功

詩故人有深契宋書艷歌羅敷行三十侍中郎朱

希晦詩臨風發長喙宋史劉沆傳沆霑拂袖起南

史陶潛傳賦歸去來以遂其志杜詩故園松桂發

陸士衡詩世網嬰我身廬江小吏詩汝豈得自由曹

元龍詞淒涼只恐鄉心起杜詩生還偶然遂莊子吾

有大樹人謂之樗又匠石之齊見櫟社樹匠伯不顧曰

下

散材也。我昔少壯時，聲華振儕輩。講舍雞籠巔，賓朋屢高

會。總角能清譚，君冢好兄弟。緩帶天地寬，健筆江山麗。

此段言少壯意氣之盛而與省齋兄弟早共會談也。○

杜詩憶昔少壯日，聲華見哭志。衍北史羊深傳儕輩

中獨蒙引聽。南史雷次宗傳宋元嘉十五年徵至都

開館於雞籠山聚徒教授餘見遇南廂園叟高會見

遇劉雪舫詩總角之宴禮記注總角總聚其髮而結

束之為牛角也後漢書鄭太傅孔公緒清談高論季

賔之詩君冢好兄弟晉書羊祜傳嘗輕裘緩帶身不

被甲岑參詩九州天地寬徒筆見哭志衍杜詩遲日

江山憑闌見溢口傳烽響笳吹海寓方紛紜虛名束心

麗

意夜半話掛冠，明日扁舟繫問余。當時年三十甫過二

此段言遭亂勇退之事見已未頽老已撥名勢也。○韓致光詩紫泥封後獨憑欄，何平叔九江志青湓山有井

形如盆因號湓水城浦曰湓浦虞伯生詩稱使不傳

峰劉孝威詩樞馬悲希吹張如哉曰字籀文作寓張

平子東京賦德寓天覆是也按書至于海隅蒼生徐孝

穆九錫文逃矣水寓之鄉則字寓隅寓其義畧同古詩

無復重紛紜史記平原君傳事不成以虛名得君古

詩以此下心意莊子夜半有力者負之而走後漢書

逢萌傳解冠掛東都城門孔文舉與曹操書融又過二

採藥尋名山筋力正強濟

濯足滄浪流白雲養身世長放萬里心拔脚風塵際昔

為雲中鵠翩翩九臯嘆今為轅下駒局促長楸轡梗柀

蟠枯根天陰蟲蟻萃縱抱凌霄姿蕭條斧斤畏時命苟

弗諧貧賤安可冀過盡九折艱咫尺俄失墜此言掛冠

之藥又引

起被徵之事也後漢書韓康傳常採藥名山

者不以筋力為禮南史庾登之傳少以彊濟自立

禮老

身

世見贈顧雲師 萬里心見贈家侍御 晉書庾翼傳  
自不能拔脚於風塵之外 古詩昔為媚家女今為蕩  
子婦 鮑詩昔如韞上鷹今似檻中猿 杜詩昔如水上鷗  
今為置中兔 南史劉訔傳矯矯出塵如雲中白鶴 正字  
通轉注古音讀書通俱云鶴通作鶴 司馬長卿上林  
賦翩翩互經詩鶴鳴于九臯 史記武安侯傳今日延  
論局趣效轅下駒 後漢書仲長統傳人事可遺何為局  
促 字典局促小貌促與趣同 曹詩走馬長楸間 司馬  
長卿子虛賦梗楠豫章 字典楠本作相相或作楠俗作  
楠非杜枯柟詩下根蟠厚地 史記五帝紀時播百穀  
草木淳化鳥獸蠱蛾 注蛾音魚起反 杜詩萬孔蠱蟻萃  
世說支公住剡東岫山有人遺其雙鶴曰既有凌霄  
之姿何肯為人作耳自之翫 蕭條見遼亂 時命見  
讀西臺記後漢書周澤傳生世不諧 三國志曹爽傳  
當今日卿門戶求貧賤復可得乎 左傳僖十五年晉其  
庸可冀乎 漢書王尊傳王陽為益州刺史行部至邛  
邛九折阪嘆曰奉先人遺體奈何數乘此險 左  
傳僖九年天威不遠顏咫尺 杜詩凡自慎失墜 左  
淒涼

游子裝訣絕衰親淚關山車馬煩雨雪衣裘敝長安十

二衢畫戟朱扉衛冠蓋起雞鳴蹀躞名豪騎通籍平生

交於今悉凋替磬折當塗前問語不敢對衰白齒坐愁

遽巡與之避禁掖無立談獨行心且悸

此言迫於徵命而獨立無偶也

○史記高祖紀游子悲故鄉杜詩哀哉兩訣絕車

馬煩見又詠古詩雨雪載途戰國策黑貂之裘敝

鮑詩京城十二衢韋應物詩兵衛森畫戟杜詩曉入

朱扉啟冠蓋見哭志衍白頭吟蹀躞御溝上漢書

原涉傳知涉名豪通籍見遇劉雪舫杜詩高才日

陵替禮立則磬折垂珮史記正義若磬之形曲折也

北史盧昌衡傳李肅儁勸其于謁當途禮不問不敢

對杜詩生意甘衰白晉書載記石勒親與鄉老齒坐

遂巡見哭志衍李從一詩趨陪禁

掖雁行隨魏書高允傳使人心悸邂逅君登朝儀

集作  
解后 讀書人中秘父子被詔除一堂共昆季呼兒爭出

拜索果牽衣戲回首十六年踪跡猶堪記荏苒曾幾何

萬事經興廢停觴重剪燭相對加噓唏此敘與省齋同朝感懷今昔也

父子昆弟兼蓉菴辨齋說○邂逅見松鼠漢書敘傳賈

生矯矯弱冠登朝張平子西京賦匪惟翫好乃有秘

書魏書禮志高閭議以為宜並集中秘羣儒按正字通

秘當作祕後漢書馬融傳謂融羞薄詔除唐書李

密傳今不昆季盡行後漢書東平王傳諸王子年五

歲以上能趨拜者又張綱傳見綱誠信乃出拜吳幼

清詩索果嬌兒啼牽衣見閬州行魏書崔浩傳荏苒

之間遂及於此魏文帝感物賦序悟興廢之無常

鮑詩停觴不御欲誰須杜詩夜闌我行感衰疾腰脚

更秉燭相對如夢寐又感嘆亦噓唏

增疲曳可憐扶杖走尙逐名賢隊薄祿貪負閒憂責仍

不細此敘一官之累也○詩我行永久南齊書虞玩之

隨後漢書馮衍傳年雖疲曳猶庶幾名賢之風漢書

賈山傳扶杖而行聽之百詩隨行逐隊欲何為薄

源見又咏古漢書李尋傳憂疍從游甘泉淅淅驚沙

賁甚重又于定國傳其憂不細疍從游甘泉淅淅驚沙

厲藉草貧無氊僕夫枕以塊霜風帽帶斜頭寒縮如蝟

此自敘登朝後疍從之事○司寔長卿上林賦疍從橫

行漢書揚雄傳正月從上甘泉還奏甘泉賦以諷雍錄

甘泉宮有三階甘泉宮在郿縣秦甘泉宮在渭南漢甘

泉宮在雲陽縣謝惠連詩浙浙振條風明遠蕪城賦

驚沙坐飛杜詩夏來藉草坐又坐客寒無氊詩召

彼僕夫左傳僖二十三年野人與之塊按枕塊字出禮

記霜風見讀西臺記李長吉詩秦

風帽帶垂縮如蝟見讀西臺記入門問妻孥呻吟

在牀被幼女掩面啼燈青照殘穗白楊何蕭蕭衝泥送

卷二下 七



歸櫛爾死願得還我留復誰為

此自敘登朝後失女之事爾死二句悲痛之極

即哭女詩所謂短算亦良謀也

○孔文舉詩入門望愛

子杜詩男呻女吟四壁靜

又見耶背商啼吳子

華詩燈孤的的青唐子西詩昨夜燈花黍穗抽劉克莊

詩歲荒奴僅拾殘穗古詩白楊多悲風蕭蕭愁殺人

杜詩虛擬皓首衝泥怯漢書高祖紀注

櫛音衛小棺也韓詩歸來辛苦欲誰為

通都走聲利厚意解羈愁盛言推名位不悟聽者心怛

若芒在背

此所謂不入耳之言來相勸勉者○親識見臨江叅軍蘇子由民政策今天下所謂通

都大邑鮑詩三川走聲利後漢書馮異傳厚意久不

報孟詩旅館益羈愁漢書西南夷傳騫因盛言大夏

在漢西南稽叔夜養生論知名位之傷德宋元虛海

賦迺不悟所歷之近遠漢書霍光傳上內嚴憚之若

有芒刺

忽接山中書又責以宜退卿言誠復佳我命有

在背

所制總未涉世深止知乞身易

此所謂君知其一不知其二者○庠詰有山中

與裴秀才書

宜退見贈家侍御

司馬微別傳有以

人物問者初不辨其高下每輒言佳

其婦諫口人質所

疑君一皆言佳豈謔君之意乎徽曰如君所言亦復佳

南史虞寄傳吾命有所懸史記項羽紀後則為人所

制又游俠傳况以中材而涉亂世之末流乎

閔即君

戰國策張儀謂秦王曰願乞不肖身之梁

過存高談豁蒙蔽苦樂來無方窮達總一致同是集蓼

蟲以此識其味

此段言與省齋時相慰藉也畢邈近君登朝一段語意○後漢書馬援傳援問

至河內過存伯春存猶問也

高談見哭志衍杜詩

憂來豁蒙蔽

王仲宣詩從軍有苦樂魏文帝詩憂來

無方

易一致而百慮

詩肇允彼

人生厭束縛

又子又集于蓼采子集傳蓼辛苦之物也

擺落須才氣君初丞相家祖德簪纓繼吐納既風流姿

容更瓌異披史妙縱橫論詩富裁製激昂承明廷面折

公卿議文士寡先容疎通得交臂騶哄訪當關休沐杉

齋閑良工鑄干將出匣蛟龍忌趨駕度太行趨當作趨躄

棄騏驎矯矯朗陵公竟下考功第此段補敘省齋之家世才品而言其破謫

之由引起送字○漢書賈誼傳若夫束縛之陶詩擺落悠悠談史記項羽紀才氣過人又李將軍傳李廣才

氣天下無雙又李斯傳以斯為丞相謝靈運有述祖德詩狂詩身上愧簪纓周棨園何省齋太史詩序太

史為相國孫枝龔麻華胄與兄次德孝廉共讀賜書相為師友南史張緒傳吐納風流楛叔夜詩服食改

姿容晉書五行志桓元詣刺史殷仲堪逢一老公形色瓌異縱橫見哭志衍世說孫興公謂曹輔佐非無

文采酷無裁製漢書王章傳不自激邛班孟堅西都賦又有承明金馬著作之庭漢書注承明廬在金馬門

外又上陵傳陳平曰於面折廷爭臣不如君戰國

策兵革不藏文士竝飭漢書鄒陽傳蟠木根柢輪囷離

奇而為萬彙器者以左右先為之容也又孟喜傳

門梁印賀疏通證明之史記司馬相如傳交臂受事

唐書崔琳傳自興寧里謁大明宮冠蓋騶哄相望稀叔

夜絕交書當呼之不置三國志華歆傳休沐出府

則歸家闔門南史茹法亮傳廣開室宇杉齋光麗吳

越春秋干將作劔陽曰于將陰曰莫耶李詩劔花秋

蓮光出匣吳越春秋薛燭曰臣聞王之造此劔蛟龍捧

爐天帝裴炭史記信陵君傳告車趣駕歸救魏漢書

朱博傳告外趣駕太行見又咏古莊子為之躡蹻戰

國策田光曰騏之局蹻詩矯矯虎臣晉書何曾傳

魏咸熙初拜司徒改封朗陵侯踐祚進爵

為公杜詩作下考功第獨辭京兆堂老夫迫枯朽

抱膝端居睡雖稱茂陵終乏鴟夷智遜子十倍才焉

能一官棄早晝生道心中年負名義嗟跼甘皓首此則

予所媿此以己之不能棄官為嘆也○左傳隱四年老夫耄矣退之諫佛骨表枯朽之骨三國志諸葛亮傳常抱膝長嘯孟詩端居耻聖明史記司馬相

如傳相如既病免家居茂陵又勾踐世家范蠡浮海出齊變姓名自謂鴟夷子皮三國志諸葛亮傳君才

十倍曹丕莊子知效一官劉駕詩晚達多早貴書道心惟微世說王右軍曰中年傷於哀樂史記張耳

傳此固趙國立名義不侵為然諾者也晉書周處傳欲自修而年已蹉跎季

少卿詩皓首以為期君今謝塵鞅輕裝去如駛雙漿

石頭城木落征驂憩過我儒林館寒鴉噪平地函丈無

復存依舊晴嵐翠此預言省齋歸途重過雞籠講舍必多今昔之感也○百詩未能脫塵鞅

王無功詩單舟戒輕裝賦見松扇范致能詩雙槩下顛如投梭石頭城見哭志衍莫愁曲莫愁在何處莫

愁石城西艇子打雨漿催送莫愁來張如裁曰梅村變化用之張孟陽詩木落柯條森王子安詩在曉臨野

次晉書華軼傳置儒林祭酒以宏道訓鄭康成別傳

北海有康成儒林講堂按一統志士林館在上元縣舊

臺城西詩作儒林蓋亦指明之南京國子監耳于遜

詩寒鴉噪景平地見哭志衍禮席間函丈朱子

詩依舊青山緣鄭明年春水滿籥衍集答興烟波

守愚詩晴嵐染近畿作水深

趣鶯啼笠澤船花發龍沙醉高堂剖符竹盡室千山內

郡閣遠鳴灘日晡散人吏無書悼遷斥有夢傷迢遞此

預言省齋至贛州之景高堂剖符竹以下就蓉菴說言其

望省齋之來也陶詩春水滿四澤唐書張志和傳

自稱烟波釣徒杜詩自在嬌鶯恰恰啼初學記太湖

一名笠澤一統志龍沙在南昌府新建縣北水經注

贛水又北逕龍沙西沙甚潔白高峻而隴有龍形按二

句言自江南至江西也後漢書馬融傳常坐高堂晉

書陸機傳入侍帷幄出剖符竹左傳成二年巫臣盡

室以行于山見贈願雲師自時惟茲郡閣內一統志

贛水自贛州府城北流三百里歷十八灘乃至萬安  
在贛縣境者一百八十里九灘按曰晡字出南齊

書垣崇祖傳韓詩下言人吏稀杜嶺雁時獨飛楚天  
詩失意見遷斤正韻迢遞遠也

樹如薺雙眼渺荒江片帆忽而至家人迎棹立愛子趨

庭慰誰云謫宦愁老覺君恩最共上鬱孤臺側身望

燕魏惆悵念故人沉吟不能置此預言省齋至贛州樂妻孥念故人之情嶺雁

四句望省齋而省齋來矣家人四句蓉菴喜省齋之來  
共上四句蓉菴省齋合說省齋時方三十故下文有少

壯逍遙語老字指蓉菴○耶律管卿詩詩思遠隨秦嶺雁  
雁陶詩棲棲失羣鳥日暮猶獨飛杜詩楚天不斷四

時雨戴嵩詩長安樹如薺孟東野詩春色役雙眼一  
統志贛水在贛縣北章貢二水於此合流貢水在贛縣

東一名東江章水在贛縣西一名西江李詩雲間片

帆起家人易卦名五代史有家人傳唐韻棹同權說

文懼所以進船也 愛子見閬州行 莊詩謫宦兩悠

然 漢書韓延壽傳為天下最 一統志鬱孤臺在贛

州府治西南 張平子詩側身東望涕沾翰 惆悵見

西田詩第四首 後漢書曹褒傳沉吟專思抄登臺惆

悵皆指省齋燕魏 三載客他鄉一朝遽分袂勞生任潦

故人梅村自指也 倒矢志同飄寄少壯今逍遙老大偏濡滯 籒衍集作

舉

世縱相識出門竟誰詣 此是正寫送字就自己說○何

我以生佚我以老 嵇叔夜絕交書足下舊知吾潦倒麤

疎 杜詩飄飄何所寄白詩天地同飄寄 我少壯謂

省齋老大自謂也 說文 太息行路難 殷勤進規誨後

請候至也 存候而請之也

曾良可希尺書到猶未相去各一方天涯隔樵悴開篋

視此詩怳怳不能寐 籒衍集作怳怳 此深一層寫送

字就省齋說○行路難詳七古

吳詩集卷二下

上

下



左傳襄十四年上誦箴諫大夫規誨謝惠連雪賦傷

後會之無因漢書韓信傳奉咫尺之書以使燕左傳

隱三年若猶未也蘇子卿詩相去悠且長又各在天

一方古詩各在天一涯高逵夫詩開篋淚沾臆見

君前日書楚辭臨風愧兮

浩歌魏文帝詩展轉不能寐

按梅村官祭酒時盛言推名位者多矣侯朝宗與吳

駿公書有三不可二不必所謂又責以宜退也在莊

悔堂集中自推上駟梅村答朝宗書集中

中不載而朝宗亦不克以山中老何歟

### 送宛陵施愚山提學山東

綱目贊寔宛陵漢之縣名為丹陽郡治所東漢

置宣城縣感舊集補傳施閏章字尚白號愚山

江南宣城人順治己丑進士舉博學鴻辭授侍

講一統志順治十三

年閏章任提學僉事

秦皇昔東巡作歌示來裔李斯留篆刻足共神仙配胡

爲秦岱顛蒼碑獨無字持此謝六經免滋後賢議至今

倉頡臺行人尙流涕君今懷古跡斯文起凋敝蟲魚雖

改鼠扶桑自天際千載靈光宮丹書閉房記兵火獨搜

揚重見鍾離意此就文體言之切定山東說前段十句見古文之可貴後段八句言振起搜揚

則學使者之責也○史記秦始皇紀二十八年東行鄧縣上鄒嶧山立石書帝庸作歌晉書涼武昭王曷傳

贊克昌來齋更記李斯傳楚上蔡人也一統志秦碑在泰山頂秦觀峯秦丞相李斯所篆一秦始皇紀于是

遣徐市發童男女數千人入海求僊人一統志無字碑在泰山頂始皇所建今日石表碑一莊子孔子謂老

聃曰邱治詩書禮樂易春秋六經一統志倉頡臺在青州府壽光縣東北書斷古文者黃帝史倉頡所造也

杜有咏懷古跡五首于瞻韓文公廟碑文起八代之衰凋敝見贈家侍御韓詩爾雅注蟲魚晉書阮籍

傳無所改竄辭甚清壯 淮南子曰出於暘谷浴於咸池拂於扶桑世說桓大司馬云謝仁祖企脚在北牖下彈琵琶故自有天際真人想 王文考魯靈光殿賦蓋景帝程姬之子恭而餘之所立也 一統志殿在曲阜縣東二里 大戴禮武王召尙父問曰黃帝顓頊之道存乎尙父曰在丹書魏書高祖紀自今圖讖秘緯及名爲孔子閉房記者 一皆焚之 兵火見遇南廂團叟後漢書竇憲傳并復搜揚灰匱選舉而登也 又鍾離意傳字子阿會稽山陰人也顯宗時爲魯相出移 王 錢萬三千文修夫子車身 八廟拂几席劍履 顧寧人日知錄嶽頂無字碑世傳爲秦始皇立按秦碑在玉女池上李斯篆書高不過五尺而銘文并二世詔書咸具不當又立此大碑也考之宋以前亦無此說因取史記反覆讀之知爲漢武帝所立也史記秦始皇紀上泰山立石封祠祀其下云刻所立不是秦石有文字之證今李斯碑是也封禪書云東上泰山泰山之草木葉未生乃令人上石立之泰山巔上遂東巡海上四月還至奉高上泰山封而不言刻石

是漢石無文字之證今碑是也後漢書祭祀志亦云  
上東上泰山乃上石立之泰山巔然則此無字碑明  
為漢武帝所立而後之不讀史者誤以為秦耳按  
始皇紀封禪書俱不載東巡作歌或即指刻所立石  
之耳是供神仙配言始皇求僊人羨門之屬本屬  
不經而東巡刻石詞復誇誕其事相類也然何以有  
無字之碑得毋因焚燒詩書百家語而欲以此謝過  
乎夫自焚書以後斯文之厄極矣是以倉頡之臺過  
者多泣也自君今懷古跡以  
下是欲思山振興文教之意

## 其二

魯儒好逢掖偃僂循墻恭長劔忽拄頤掉舌譚天雄諸  
侯走書幣擁篲梧邱宮孟嘗一公子珠履傾闕東後來  
北海相坐上猶遺風君愁吳越士名在甘陵中無使稷

下徒車馬 衿雍容華士苟不戮橫議將安窮古道誠可

作千里尊 龜蒙

此就士習言之亦切定山東說前段十句言魯本守禮之國而亦有好辨之風

後段八句言去瀛遠淳則學使者之責也明史方從哲

傳齊楚浙三黨鼎立務搏擊清流齊人元詩教從哲門

生勢尤張又張至發傳齊楚浙三黨方熾至發齊黨也

程迓亭曰此詩為元詩教張至發董而言所以過激按

愚山提學時距詩教等已遠故用遺風字耳○莊子舉

魯圖而儒服家語冠章甫之冠衣逢掖之衣左傳昭

七年宋正考父佐戴武宣三命滋益恭其鼎銘云一命

而僂再命而偃循牆而走亦莫予敢侮宋玉大言賦

長劍耿耿倚天外戰國策齊嬰兒諺曰大冠若箕修劍

拄頤史記淮陰侯傳伏軾掉三寸舌史記齊有三騶

子齊人頌曰談天衍雕龍奭五代史唐莊宗紀乃下

意為書幣史記孟子荀卿傳騶子重於齊如燕昭王

擁彗先驅築碣石宮身親往師之其游諸侯見尊禮如

此爾雅當塗梧邱一統志梧臺在青州府臨淄縣西北

古梧宮之臺〔史記孟嘗君傳名文姓田氏文之父〕

曰山嬰田嬰者齊威王少子而齊宣王庶弟也〔上客〕

躡珠履借用春申君事劉文房詩走馬向關東〔後漢〕

書孔融傳三府同舉融為北海相常嘆曰坐上客常滿

尊中酒不空吾無憂矣遺風見讀鄭世子傳〔戰國策〕

俗時者民易則是吳越無秀民也〔後漢書黨錮傳初〕

桓帝為蠡吾侯受學於甘陵周福及帝即位擢福為尚

書時同郡河南尹房植有名當朝鄉人為之謠曰天下

規矩房伯武因師獲印周仲進由是甘陵有南北部黨

人之議自此始矣〔一統志〕甘陵故城在東昌府清平縣

南〔史記〕田敬仲完世家齊稷下學士復盛且數百千

人〔一統志〕稷下在臨淄縣北古齊城西〔史記司馬相〕

如傳從車騎雍容閒雅甚都〔新論〕齊之華士而太公

誅之〔禮〕死者如可作也吾誰與歸〔詩〕奄有龜蒙〔一〕

統志龜山在今沂州府費縣

西北七十里蒙山在龜山東

其三

伊昔嘉隆時文章尙丹腹矯矯濟南生突過黃初作百  
年少知已褒譏互叅錯風習使之然詩書狗然諾淒涼  
白雲署前賢遂寥廓君初領法曹追踪好棲托此行過  
歷下高風緬如昨太白遊山東後來訪廬霍獨愛宣州  
城江山足吟謔讀君官舍詩鄉心戀巖壑目斷敬亭雲

口銜竹溪酌借問謫仙人何如謝康樂此就詩學言之亦切定山東說

分三段前段十句言于鱗由郎署起而詩自可傳中段四句言愚山亦會官郎署正可與古為徒後段十句由

山東而及宛陵是詩中餘波○嘉靖明世宗年號隆慶穆宗年號  
晝惟其塗丹腹矯矯見送何省齋明史

地理志濟南府歷城倚又文苑傳李攀龍字于鱗歷城人攀龍之始官刑曹也倡詩社王世貞初釋褐遂與攀

龍定交其持論謂文自曰京詩自天寶而下舉無足觀  
攀龍才思勁鷲名最高獨心重世貞天下亦並稱王李  
又與李夢陽何景明並稱李何王李其為詩務以聲調  
勝所擬樂府或更古數字以為已作文則顰牙戟口讀  
者至不能終篇好之者推為一代宗匠亦多受世抉摘  
云杜詩笑過黃初詩按黃初魏文帝年號史記十  
二諸侯年表為有所刺譏褒諱挹損之文辭不可以書  
見也易參伍以變錯綜其數然諾見哭志衍葉廷  
珪海錄醉事黃帝以雲紀官秋官為白雲孫述授裴敦  
復刑部尙書制云碑踐白雲之司客燕雜記嘉靖間李  
攀龍王世貞徐中行輩俱官西曹相聚論詩建白雲樓  
于四川司中寥廓見哭志衍後漢書百官志法曹  
主郵驛科程事一統志閩章官刑曹讞決明敏杜詩  
追蹤語渺茫高逵夫詩異縣久棲託一統志歷城縣  
戰國齊歷下邑高風見讀鄭世子傳一統志太白  
酒樓在濟寧州南城上杜詩昔我游山東李詩黃綠  
泛湖海偃蹇陟廬霍杜詩詳註廬山在九江霍山在衡  
陽一統志李白書堂在星子縣北廬山南麓青玉峽西



一里白天寶末嘗往來宣城南陵間有我家敬亭下之

句世說庾太尉與諸人咏讎竟日史記陳孫傳邯

鄲官舍皆滿鄉心見送何省齋謝靈運詩巖壑寓耳

目宋延清詩目斷南湖雲六臣文選注敬亭山宣城

縣北十里唐無名氏詩謝安團扇上為画敬亭雲李

詩口銜雲錦字唐書李白傳少與魯中諸生張叔明等

隱於徂徠山號為竹溪六逸曹景宗詩借問路旁人

何如霍去病杜贈李詩號爾謫仙人宋書謝靈運傳

襲封康樂公世共宗

之咸稱謝康樂也

按良齋雜說施愚山視學濟南拜李滄溟墓下重為

立石而梅村此詩亦以濟南生為重想見李施曠世

相感處潘次耕白雪樓詩百尺高眠四海空滄溟

文玷夙稱雄生憑婁水填篋應死耐虞山玉石攻盛

世才華容傲睨達人官爵謝年籠清

依稀在華鵲蒼寒落水中心

依稀在華鵲蒼寒落水中心

翠湖 并序

礬清湖者西連陳湖南接陳墓其先褚氏之所

居也礬清者土人以水清疑其下有礬石故名

或曰范蠡去越取道於此湖名范遷以音近而

訛世遠莫得而攷也大清一統志陳湖在長洲縣東南蘇州府志

陳墓在長洲縣上二十都去縣東南五十五里宋光宗妃陳氏葬此因名山海經注涅石礬

石也史記勾踐世家太湖居吾郡之北有大蒼苑蠡三遷皆有令名

山衝擊風濤湍悍而陳湖諸水渟泓演迤居人

狎而安焉烟村水市若鳧雁之着波面千百於

其中土沃以厚畝收二鍾有魚蝦菱芡之利資

船以出入科徭視他境差緩故其民日以饒不

為盜吾宗之繇倩青房公益兄弟居於此四世

矣

明史地理志蘇州府太湖縱廣三百八十三里周三萬六千頃跨蘇常嘉湖四府之境亦

曰具區亦曰五湖按大倉州明領於蘇故云吾

郡也薩天錫詩逆湍衝擊若承天唐書陸

元方傳風濤驚壯史記河渠晝禹以為河所從

來者高山湍悍柳子厚萬石亭記洄為清池

寥廓泓渟退之藍田丞廳記泓涵演迤百詩

水市通閩闈烟村混舳艫詩弋鳧與雁朱子

詩藕葉葢波面國語沃土之民不材史記河

渠晝畝皆收一鍾韓詩魚蝦日異飯漢書龔

遂傳益畜果寔菱茨宋史程大昌傳仍

免科徭繇倩青房公益葢三人之字也余以

乙酉五月聞亂倉黃攜百口投之中流風雨大

作扁舟掀簸榜人不辨水門故處久之始達王

人開門延宿雞黍酒漿將迎灑掃其居前榮後

寢葭蘆掩映榆柳蕭疎月出柴門漁歌四起杳

然不知有人世事矣

明史福王傳我兵以五月己丑渡江

大清

黃百口見避亂

韓詩颶風有時作掀簸真差

事注差音詫

史記司馬相如傳榜人歌後漢

書張禹傳禹為開水門通引灌溉

詩不可以

提酒漿

又百兩將之百兩迎之

韓詩前榮

饌親賓禮記注榮屋翼也

後漢書祭祀志以象

人之居前有朝後有寢也

爾雅郭注葭蘆葦

也謝元逸詩掩映順雲懸陶詩榆柳蔭後

是時

簪在詩瓠葉轉蕭疎

柴門漁歌見避亂

是時

姑蘇送歎兵至不戮一人消息流傳緩急互異

湖中烟火晏然予將卜築買田耦耕終老居兩

月而陳墓之變作於是流離轉徙懂而後免事

定將踐前約尋以世故牽挽流涕登車疾病顛

連關河阻隔一統志姑蘇山在吳縣西南南史梁武帝紀殊俗百蠻重譯獻欵

後漢書祭彤傳野無烟火漢書惠帝紀天下晏

然李詩所期俱卜築杜詩歸山買薄田終

老見避亂蘇州府志順治二年六月乙卯

王師至蘇州士民爭迎降屬縣以次皆下閩

六月癸巳湖寇突入葑門一時洶洶壽流離

之子唐書食貨志雖轉徙莫容其姦公羊傳

謹然後得免左傳襄十四年或輓之或推之

淫前牽日輓字典挽輓於通張子西銘凡天

下疲癯殘疾憊獨鰥寡皆吾

兄弟之顛連而無告者也比三載得歸而青

房過訪草堂見子髮白齒落深怪早衰又以其

窮愁焚獨妻妾相繼下世因話昔年湖山兵火

奔走提攜心力枉枯骨肉安在太息者久之青

房亦以毀家紓役舊業蕩然水鳥樹林依稀如

故而居停數椽斷斲零甍罔有存者人世盛衰

聚散之故豈可問耶撫今追往詮次爲五言長

詩用識吾慨且以明舊德於不忘也

落寒草先衰更記聶政傳親旣以天年下世

子瞻表湖山如畫魚鳥亦怪其衰殘兵火見

遇南廂園叟禮長者與之提攜則兩手奉長

者之手庚詩樹古半心枯左傳莊三十年

明遠蕪城賦白楊早

關穀於菟為令尹自毀其家以紓楚國之難

爾史謝靈運傳修營舊業蕭子範詩水鳥銜

魚上宋史丁謂傳居停主人勿復言陸務觀

詩先葺雲門屋數椽晉書吳達傳夜燒籬壁

陶飲酒詩序紙墨遂多辭無

詮次易食舊德貞厲終吉

吾宗老孫子住在磬清湖湖水清且漣其地皆膏腴堤

栽百株柳池種千石魚教僮數鶯鴨遠屋開芙蓉有書

足以讀有酒易以沽終老寡送迎頭髮可不梳相傳范

少伯三徙由中吳一舸從此去在理或不誣此段言青房兄弟住

磬清湖以娛老帶出少伯三徙為已之避地作影○杜

詩吾宗老孫子詩河水清且漣漪漢書地理志號

稱陸海為九州膏腴史記貨殖傳水居千石魚波淫

波讀曰陂按杜詩不教鶯鴨惱比隣故東坡上梁文

已戒兒童惱比隣之驚鴨此反用之陶詩繞屋樹扶

疎芙蓉見遇南廂園叟齒蒼注詩有酒醕我晉書

皇甫謐傳吾送迎不出門夜絕交書頭面常一

月十五日不洗程詩一月不梳頭列仙傳范蠡字少

伯徐人也按三徙謂浮五湖適齊之陶也指掌圖以

蘇常湖為三吳而一統志云蘇州府秦置會稽郡漢書

項羽傳二世元年殺會稽假守殷通起兵吳中則中吳

乃蘇州也程牧之詩西子下姑蘇一舸逐鴟夷禮

疏通知遠嗟子遇兵火百口如飛鳥避地何所投扁舟

而不誣指菰蒲北風晚正急烟港生模糊船小吹雨來衣薄無

朝舖前村似將近路轉忽又無倉皇值漁火欲問心已

孤此段言已遭亂而往湖中也○子建洛神賦體迅飛

息程詩哀鳴何所投菰蒲見塗松晚發北風

急見遇南廂園叟程迓亭曰烟港烟雲之港白詩平

明山雪白模糊元詩暗風吹雨入寒窗陳唐卿詩



歲後朝，舖定不難。前村見避亂。歐陽永叔醉翁亭

記峯回路轉。韓詩：漁火燦星點。皮襲美詩：莫為心

孤憶。俄見葭茨邊。主人出門呼，開柵引我船。掃室容我

舊溪

徒我家兩衰親，上奉高堂姑艱難。總頭白動止，需人扶

妻妾病伶仃，嘔吐當中途。長女僅九齡，餘泣猶呱呱。入

君所居室，燈火映窗疏。寬閒分數寢，寢嬉笑喧諸雛。此段言青

房兄弟留任湖中之事。○詩：葭茨子子。按：開柵二句

用彭衙行，煖湯濯我足。剪紙招我魂，句法陶九成詩。聞

開龍鶴柵。後漢書：陳蕃傳：當掃除天下安事。一室詩

我徒我御。高堂見送，何省齋。按：高堂姑謂湯淑人也。

詳遣悶。南史：王宏傳：凡動止施為，在詩。此生已愧須

人扶。季令伯陳情表：伶仃孤苦。杜詩：嘔泄卧數日

潘安仁西征賦：悵攬轡于中途。陶詩：通子垂九齡

書啟：呱呱而泣。庾子山明月山銘：葉落窗疏。退之

答崔斯立書耕于寬間之野周禮夏官僕隸掌五寢掃  
除糞灑之事北史蕭寶夤傳未嘗嬉笑杜詩衆雞爛

燬縛帚東西廂行李安從奴前窗張罽網後壁掛耒鋤

苦辭村地僻客舍無精麤剪韭烹伏雌斫鱸炊彫胡床

頭出濁醪人倦消幾壺睡起日已高曉色開烟蕪此段言安

頭行李事事周詳見青房兄弟用意之厚○王子淵僮

約居當穿曰縛帚栽孟雲仙雜記王維使兩僮專掌縛

帚曹孟德樂府東西廂各滿堂左傳僖三十年行李

之往來史記灌夫傳獨二人及從奴十餘騎馳入吳軍

鮑詩渺渺蠟鞋網按罽當作罽詳補注杜詩苦辭

酒味薄地僻見西田詩更記商君傳欲舍客舍莊子

精麤者期于有形者也剪韭見越南廂園叟風俗通  
琴歌曰里奚五羊皮憶別時烹伏雌春渚紀聞吳興  
郡人會集必斫臚爲勸其操刀者名臚匠司馬長卿子  
虛賦東籬彫胡張揖曰彫胡菰米也鮑詩床頭恒有

沽酒錢左太冲魏都賦清酷如濟濁醪如河宋子虛

詩擊楫人人倦程子詩睡起東窗日已紅白詩牛困

人饑日已高實丹列詩碧樹漁灣一兩家點染江村

分曉色權載之詩烟無飲暝色

圖沙嘴何人舟消息傳姑蘇或云江州下不比揚州屠

早晚安集掾鞍馬來南都或云移民房插箭下嚴符囊

橐歸他人婦女充軍俘迴老暖然催辦今年租饑耕

看賽社釀飲聽呼遠賦不列高訓可偶娛此段言

聞異詞而烟文戴幼公詩水邊磯綠玉灣

顏氏家訓隨宜無染即成數人謝元暉詩暖暖江村

見程迓亭曰高房山有江村放鴨圖李有中詩魚行

細浪分沙嘴晉書地理志元康元年因江水之名而

置江州按晉書之江州在江西北境內此詩蓋指吳

江縣而舉吳江以例蘇州也一統志吳江縣元屬平江

路元貞元年升吳江州明洪武初仍降為縣屬蘇州吳  
江縣志順治二年五月二十日後傳 大兵渡江南

下蘇州巡撫霍達及各屬官皆逸去吳江知縣林岷亦  
去六月初九日貝勒王統兵入浙過溪溪之耆老攜茶

盒迎餽貝勒王受之八月鄉人每一村立大旗于樹上  
五剃髮順民兵始封刀不殺人揚州見閩州行後

漢書陳俊傳光武以為安集掾鞍馬見吳志衍張道  
濟詩漢武幸南都胡天游詩挂弓插箭出門去唐書

田悅傳輒下符蔡文姬詩馬後載婦女說文俘軍所  
獲明史食貨志里設老人選年高為眾所服者催

租見避亂詩饑彼南畝韓聯句詩賽饌木盤簇史  
記貨殖傳歲時無以祭祀進醪飲食呀盧見哭志衍

漢書五行志聚會里巷而我游其間坦腹行徐徐見人  
又張禹傳與弟子相娛

盡恭敬不識誰賢愚魚蝦盈小市鳧雁充中厨月出浮

溪光萬象疑沾濡放楫凌滄浪笑弄驪龍珠夷猶發浩

唱禮法胡能拘東南雖板蕩此地其黃虞

此段言已寓湖中之樂○

按坦腹字出晉書王羲之傳杜詩坦腹江村暖

羲詩見人乃恭敬曾不問賢愚周禮大市以質小市

以劑中厨見哭志衍溪光見續西臺記孫興公

遊天台山賦渾萬象以冥觀漢書揚雄傳普天所覆莫

不沾濡易刻木為楫魏書張淵觀象賦又似浮海而

觀滄浪莊子千金之珠必在九重之淵騷龍領下

楚辭君不行兮夷猶沈休文郊居賦悅臨風以浩唱

禮法見哭志衍詩上帝板板又蕩蕩上帝黃虞見

贈吳雪航

世事有反覆變亂興須臾草草十數人盟歆起里

閭免園一老生白詭讀穰苴漁翁爭坐席有力為專諸

解艫飾於皇於應簞笠裝犀渠大笑擲釣竿赤手搏於

菟欲奪夫差宮坐擁專城居此段言陳墓之變○史記陸賈傳如反覆手耳李詩

天地有反覆書乃變亂先王之正刑杜詩反覆乃須

更草草見避亂漢書陳平傳始與高帝啖血而盟

字典歌通作啖左太冲魏都賦班之以里閭五代史

劉岳傳免園册者鄉校俚儒教田夫牧子之所誦也三

國志管輅傳夫老生者見不生史記司馬穰苴傳司

馬穰苴者田完之苗裔也齊威王使大夫追論古者司

馬兵法而附穰苴於其中漁翁評題代笠莊子舍

者與之爭席矣專諸見讀史雜詩陸務觀詩且浮

解艦寄烟村左傳昭十七年吳伐楚大敗吳師獲其乘

舟餘皇注舟名詩何夔何夔渠見哭志衍魏文

帝詩鈞等何珊珊左傳宣四年楚人謂乳穀謂虎於

菟蘇詩赤手降於菟按夫差闔閭子一統志吳宮在

長洲縣東古予又出子門十步九崎軀脫身白刃間

詩四十專城居

性命輕鎔銖我去子亦行後各還其廬宮軍雖屢到尙

未成邱墟生涯免溝壑身計謀樵漁買得百畝田從子

學長沮

此言已與青房兄弟前後避陳募之亂亂後言歸而欲依青房兄弟終老湖中也○袁景文詩

十步九倒

倒由立可馬相如傳崎嶇而不安○脫身見

又咏古

禮雖分國如鎔鉢官軍見避亂邱墟見

遇南廂園叟

生涯早塗松晚發南史蕭引傳族子

諫曰亦宜少為身計

孟詩林壑罷樵漁漢書張禹傳

多買田至

四百頃天意不我從世網將人驅親朋盡追送涕泣

四百頃

天意不我從世網將人驅親朋盡追送涕泣

登征車吾生罹干戈猶與骨肉俱一官受逼迫萬事堪

歛歛倦策既歸來入室翻次且念我平生人慘澹留羅

襦此段言復奉徵召及悼亡南歸之事○張道濟詩天

意與人期詩亦不汝從世網見送何省齋杜詩

親朋盡一哭晉書陶侃傳追送百餘里詩泣涕如雨

上仲初詩落日動征車莊子吾生也有涯詩泣涕如雨

詩或有骨肉俱一官見送何省齋古詩同是被逼迫

韓詩外傳雍門周鼓琴孟嘗歛歛就之楚辭歸來

歸來 潘安仁詩入室想 所歷易其行次且 陶詩念  
我意中人 杜詩慘淡苦 士志劉孝綽詩客子夢羅襦

秋雨君叩門一見驚清癯我苦不必言但坐觀髭鬚歲

月曾幾何筋力遠不如漕亂若此衰豈得勝奔趨十年

願妻子心力都成虛分離有定分久暫理不殊翻笑危

急時奔走徒區區 此段言青房來訪而話及妻妾下世感舊三歎也○杜詩秋雨欲生魚

蘇詩方瞳照野清而癯 古詩陌上桑但坐觀羅敷又

下擔將髭鬚 子瞻後赤壁賦曾日月之幾何 筋力

見送何省齋 昌黎碑銘 四噪奔趨 願妻子見閬州

行 書爾尙一乃心力 季詩英僚惜分離 杜詩遠

近理亦齊 諸葛孔明後 出師表此誠 君時聽我語顏

危急存亡之秋也 區區 見又咏古

色慘不舒亂世畏盛名薄俗容小儒生來遠朝市謂足



逃沮洳長官誅求急姓氏屬里胥夜半聞叩門瓶盎少

所儲豈不惜堂構其奈愁征輸庭樹好追涼翦伐存枯

株池荷久不開歲久填泥淤廢宅鋤為田薺麥生階除

當時棲息地零落今無餘此段青房自述其家紆役之苦○百詩新人新人聽我

寔難副〔杜詩〕徒侶慘不悅〔後漢書〕黃瓊傳盛名之下其

衍〔隋書〕盧思道傳籠絀朝市且三十載沮洳見塗

〔松晚發〕〔杜詩〕頗遭長官罵誅求見遇南廂園叟〔國〕

〔諺〕命姓受氏周禮地官閭胥各掌其閭之徵令〔歸去〕

來辭序餅無儲粟〔書〕厥子乃弗肯堂矧肯構〔黃魯〕

直詩〔駟〕僧謙征輸〔杜詩〕憶昔好追涼故繞池邊樹

〔詩〕勿翦勿伐〔蘇詩〕兀坐如枯株〔謝元暉詩〕風碎池中

荷〔宋史〕河渠志五丈河泥淤不利行舟〔古詩〕古墓

犁為田〔白虎通〕閭闔風至生薺麥階除見贈蒼雪

何仲言詩樓息同舍零落

見避亂其六詩今也每食無餘

生還愛節物高會逢菜

莫好採籬下菊且讀囊中書中懷苟自得外物非吾須

君觀鴟夷子眷戀傾城姝千金亦偶然奚足稱陶朱不

如棄家去漁釣山之隅江湖至廣大何惜安微軀揮手

謝時輩慎勿空躊躕此段是與青房訂物外之遊不辨其孰為青房語孰為梅村語蓋戀

頽城似映合妻妾下世等語千金偶然似映合堂構棲息等語而與首段少伯三徙若相蒙若不相蒙此詩中之化境畫家之逸品有不可以言語形容其妙者○生

還見臨江叅軍陸士衡詩脚蹶感節物高會見遇劉雪舫續齊諧記汝南桓景隨費長房遊學長房謂曰九月九日汝家中當有災宜急去令家人各作絳囊盛茱萸以繫臂登高飲菊花酒此禍可除今世人九日登高飲酒婦人帶茱萸

始於此陶詩採菊東籬下

又

時還讀我書又念之動中懷莊子外物不可必

鴟夷見送何省齋詩婦傾城又彼姝者子史記

勾踐世家范蠡喟然嘆曰居家則致千金此布衣之極

也止于陶白謂陶朱公棄家向暗用梅福傳一朝棄

妻子去曹詩漁釣終渭川宋文帝詩夕氛晦山岷

杜詩微軀此外復何求揮手見遇劉雪舫神仙傳王

子喬舉手謝時人而去時輩見

哭志衍躑躅見送何省齋

明史吳易傳揚州失已而吳江亦失易赴太湖與同

邑舉人孫兆奎諸生沈白駒白炳武進吳福之等謀

舉兵旬日得千餘人屯於長白蕩出沒旁近諸縣按

陳墓之變明史不載然以兔園老生推之於易及兆

奎等為近詩蓋指其事也蘇州府志順治二年豫王

既定金陵傳檄東下募吳縣人周奎副前鴻臚寺少

卿黃家燕八郡安撫家燕遇故明監軍楊文驄潰兵

被殺大軍至文驄兵逃去士民各書順民二字

於門爭持羊酒迎候間六月癸巳薙髮令下湖寇突

入封門頭纏白布亂民從之一時洶洶兵部侍郎李

延齡巡撫都御史土國寶進追兵追捕立卽解嚴而城中幾遭屠戮吳江吳易等山西沒太湖崑山王佐才等嬰城拒守咸應時平定自是載戢干戈億萬年慶樂利矣 此詩大致與子美彭衙行相彷彿孫宰與蘇倩兄弟居停主人託詩筆以不朽可謂大幸然彭衙行於安居奉歡後但敘濶闊以懷思之意此詩於各還其廬後更添滄桑身世之感蓋子美作詩時距在彭衙僅一載梅村作此詩則在官祭酒歸江南奏銷案起以後雖云異曲同工亦可以各論其世也 焦仲卿妻詩一千七百四十五字而終之以多謝後世人戒之慎勿忘以淡語作結而覺情景杳然無盡此詩感話滄桑與遇南廂園叟同但遇南廂園叟尙有迫切之語此篇淡遠處猶爲過之結 一段與焦仲卿妻詩同稱滿心品矣